



kal.komp.

35214

Mag. St. Dr.

P

Concine

THEOLOGIA.

~~N. 244.~~



35214

Mag. St. Dr.

Handwritten notes in a cursive script, likely Latin, located below the printed text.

TRACTATUS

T D U P L E X.

Primus, Status Religiosi no-
tionem ejusquè Evangeli-
cam perfectionem

E X H I B E N S.

Alter, de obligatione Regulæ
& Constitutionum Regu-
larium

D I S S E R E N S.

Ex Asceticis Operibus RR. PP. DA-
NIELIS Concina & PETRI Di-
erkens Sacri Ords Prædicatorum

COMPILLATUS.

Pro Regulari autem usu de licentia
Superiorum, Reimpressus.

Typis Clari Montis Czestoch: diebus Julij.

Anno Dñi 1765.

19. III. 26

Porro

Inclito Nomini ac Honori
Illustri Magnifici Dñi
D. STANISLAI

de Janowice

CHWALIBOG

Arcis Cracoviensis Burgrabij
dignissimi,

35.274

Mecenatis Faventissimi,

DICATUS.

Operâ R. P. Remigij Strauch
Ords S. PAULI p. Er. Magi-
stri Novitiorum & Supprioris
Conventus Vetro-Czestoch:

In Gentilitium Stemma

Illustris Domus CHWALIBOGIANÆ



Epigramma
I.



Portat ad excelsas CHWALIBOGIA
STREPA Curules
Victorem terris impositura pedem

Hinc VOS disposito Comitetur glo-
ria Cursu

Incluta queis Virtus purpura STREP-
PA PAREST.

II.

Proximat Herculeo STANSLAI
STAFFA Colosso

Stare loco nescit carpit honore Vias
J Stans laus metire juges ad Vota
triumphos

Cum Jove CHWALIBOGUM Sisti-
to STAFFA pedem.

DE-

DEDICATIO

Illustris ac Magnifice
Domine Mecænas
Faventissime.



Ursune potius vel di-
scursu circa GEN-
TILITIAM TU-
AM institero STAF-
FAM? Vereor Illustris ac Ma-
gnifice Dñe, Dñe Mecænas Fa-
ven-

8 ventissime. Si cursu hunc temeritatis nota de hortatur utpote per *Avitam* STAFFAM TUAM exitiale Patriæ calcati hostis memorata offendiculum; Si discursu præcipit illum laudiproma Vulgato meritorum Sonitu CHWALIBOGIORUM TESSERA eatenus, ut Solitarium Cenobitarum impervie abrumpat a cursu solitudo, & Secreta Oratorem a discursu arceat taciturnitas. Sola itaque lenocinantis Sepiæ vocalisatur STREPA modificato Streptu & clangore illo reboans, qui Sarmaticis in Campis Movortios inter turbines activum echo seu Classicum replicat & multiplicat.

Ba-

Baiula bellorū bellatorumq; Virorū
STREPA quomodo e loco tro-
phæorum, metam gloriæ subin-
traverit? Stupet admirabundus
Politicus Orbis; Cuius si suspi-
ciat aboriginem, præ ipsa antiqua
antiquitate queri eam finit non
comprehendi. Illustres etenim
STRZEMIENIORUM tituli
ingentes sine margine impleverunt
Tomos, facta circumdederunt fa-
stos & Annales ita, ut retroactis
Majoribus sint Majores cum Sci-
pione validi, iusti cum Aristide,
cum Themystocle Sapientes, cum
Fabricio virtuosissimi. Inter scu-
tatos hastatos & phaleratos Vic-
trice experientiâ præstantes mili-

tes, interque illos qui nedum ferro dimicant sed & animo, pectore, moribus, exemplo pro Patriâ excubant magnanimum Achillis nomen cum omine STRZEMIE-
NIIS tribuendum. Aurca Boleslai Chrabri si licet ad calculum revocare tempora, ubi ARMA
TUA Mecænas Faventissime ex Imperiali Belgio Motenbaiane prosapie oriunda iam Senatoriis
Poloniæ emicuere in fastigiis ut tunc profecto qui TUAM GEN-
TILITIAM intendisset STAFFAM, primos in illa Statuum &
Ordinum Ministros, primos post Reges & Principes advertisset Optimates. Absit hinc improvi-
dum

dum lenocinij dispendium distin-
ctos quippe præ ceteris Vasallis
STRZEMIENIOS *Fortuna*
haberi voluit, quibus non tam
pedester Viam Gloriæ antecur-
rens impressit, quam fido pegaso
insistentes infida fata fidei, Regni-
que pericula frenare iussit. En
pressum formatæ laudis Typum
indicat purpuratus Gnesnensis Ar-
chipræsul **MARTINUS**
STRZEMIENIUS. *Romæ a*
Nicolao tertio Pontifice Conse-
cratus, ut non modo auctorati
Prædicatorum Instituti sublime
constituisset prædicamentum Ve-
rum etiam **INCLITÆ FA-**
MILIÆ TUÆ *utpote in millesi-*

mo octavo Æræ vulgaris Anno
plusquam Octavum omnimodæ
Excellentiæ fuisset prædicabile.
MARTINO pace TUA adsti-
pulatur GREGORIUS eorun-
dem ARMORUM Leopoliensis
Archiantistes quem veluti Octa-
vam terraquei sphaeram poli, ful-
crum & Columen irredemptæ li-
bertatis Polonæ Virtusq; ipsa po-
suit Procerem vel ideo quia eque-
stri & Senatorio Ordini ac tan-
dem Pastoralis dexterrimas vices
præbuit Preprimis invictus ad
Varnam, Vratislaviam, ac Duna-
joviam triumphator, mox e
Præsuleo Trono ad supernum e-
vectus proculdubio immunitatis

ac longævitatis TUÆ exorator.
Oceanum navigio spatiosissimum
ingrederetur volubilis penna
STRZEMIENIANIS in ello-
giis naufragatura, si illa metiri
presumeret. Et nuncquid mens
absorbetur, Lyncea cæcutit pu-
pilla a vibrata AVITÆ TES-
SERÆ TUÆ indagine? dum
sub Casimiro Magno (testis Dlu-
gossius est) Auctoritas, dexteri-
tas, dominium, potentia & Co-
pia STREPARUM integrum
contra Valachos se solo con-
flavit Banderium sive Vexillum.
Quid dicam de Jacobo Halicensi
Archi-Episcopo? Cuius prodigio-
sam Virtutem & Sanctimoniam

in exanimi & alias corruptibili
machina ipsa mutuo digladiantia
coluere elementa, dum ipsum e-
lingve at incorruptum Jacobi
Corpus vivas loqueretur in ple-
bem gratias. Loquitur insuper
seræ posteritati memnoneam fa-
mam patulum in Basilica Fran-
ciscana Leopoli Epitaphium, pe-
rennantes illius aureolas Ecclesi-
am, Rempubliram, & Senatum
magnopere concernentes - - To-
ga sagoq; micant ingenui Athle-
tæ per collaterales Aborigenum
TUORUM differentias, ubi ad
augem Meritorum Illustris Fa-
milie accensentur. TRZECIE-
SCJI, WRZOSOWSCJI,
BU.

BUCZYNSCJI, SULO-
WSCJI, JEZOWSCJI, KO-
CZANOWSCJI, KORZEN-
SCJI, BOIANECCJI, RUD-
NICCJI, WIELOPOLSCJI,
ZBYLITOWSCJI, ZABO-
ROWSCJI, LISSOWIEC-
CJI, WOYNAROWSCJI,
KIIANSCJI, *aliique rursus cum*
aliis præclarissimis Familiis San-
gvine & amicitia copulati, ea am-
plitudine & dignitate ut omne o-
mnino seculum aut literarum so-
lertem peritiam, aut militarem
disciplinam, aut singularem
quemcunque Cultum DOMUI
TUÆ & vendicaverit & adhi-
buerit. Porro hæc eximia MA-

JORUM de Successoribus præsa-
gia non sine tripudiante clementis
Cœli illapsu cum honore possedit
CHWALIBOGIANA NA-
SCITA TUA, ac si omnia An-
tenatorum Astra & Sidera ad
punctum concentratæ laudis e suâ
traxisset maiestate. Reserunt per-
vetusta Cracoviensis Palatinatus
monumenta longâ seriè per Rega-
lem munificentiam erga CHWA-
LIBOGIORUM Observanti-
am iisdem concessa Privilegia,
quemadmodum Setenissimus CA-
SIMIRUS Rex Poloniæ PE-
TRO, CLEMENTI, & JO-
ANNI de Janowice CHWA-
LI.

*LIBOGIIS militibus strenuis,
eorum Filiastris ALBERTO
& Dirfstoni eorum Patruis CE-
SLAO, Aproslao, CHWALI-
BOGIO, eorum Fratribus
STANISLAO, Falimiro, Be-
nissio, Roslao & Janussio ius
Theutonicum imputavit, & hoc
in extensione suorum Dominio-
rum, ea amplius distendendi ac di-
latandi facta potestate nec non iu-
re tributario abdicato Quod u-
tiq; Privilegium quid concilia-
vit nisi illibata in Reges fideli-
tas, in Patriam amabilitas, in
superos pietas, plerumq; purpura-
to trabeata Sangvine, quem cum
ipsi*

ipsius vite pretio CHWALI-
BOGIJ bono publico immola-
runt, victimarunt. Reverenti Se-
creto concludam STANISLA-
UM CHWALIBOG in pluri-
bus expeditionibus, & potissimum
sub Interregno Rothmagistrum
in districtibus Sandecensi &
Czchovensi. Præterivero J.A-
C O B U M, PETRUMq;
CHWALIBOGIOS temporibus
STEPHANI Regis per Mo-
scoviam & Lithvaniam laureatos
heroes stipendia non dispendia fe-
rocis Gradivi, Alme posteritaci
pro fama testantes. Ocultavero
JOANNEM PETRI filium, i-
ti-

*tidem Palatinatus Cracoviensis
Rothmagistrum; Demetrio Mo-
scorum Duci Coaulicam, e Tur-
cicis & Prussicis copiis triumphato-
rem gloriosissimum. Sed
necdum hic finis præfigitur Jau-
stribus Cæris Tuis, quas emi-
nentius Collustrant æmula Saga-
cioris Herculis rectefacta nobilif-
sime exantlata per GAWRON-
SCIOS, MICHAŁOWSCI-
OS, ŁĘTOWSCIOS, GNIE-
WOSZOWIOS, SIERA-
KOWSCIOS, TRZECIA-
KOS, WIELOGŁO-
WSCIOS, OTFINOWSCI-
OS, PIASECCIOS, WO-
JEC.*

JECCIOS, PRZYŁUSCIOS,
GORSCIOS, WAXMANO.
WIOS &c. *ad Inclytam No-*
menclaturæ TUÆ spectantes di-
gnitatem. Manifestant illi super-
sitate pteconio utpote TUIS Ma-
ioribus Coevi eorum eminenti-
am ipsosq; eminentes aggregatissi-
mâ quia utraque dote cumulosos
CHWALIBOGIOS, *nimirum*
STANISLAUM de Janowice
Subdapiferum Vicesque gæren-
tem Cracoviensem, mox Ca-
stellanum Sandecensem ad Tri-
bunal Regni in Anno Millesimo
Septingentesimo decimo Depu-
tatum Judicem; MICHAEL-
LEM

S. LEM Subdapiferum Braclavi-
ensem, CASIMIRUM Furgra-
bium Cracoviensem item Re-
gni Deputatum, JOANNEM
Venatorem Vofhyniæ. *Talis*
Et tanta benemeritorum Honoris
Et Sanguinis cornucopia non modo
ex Antecessorum insignibus TE
circumdat Mecænas Amplissime
sed absolutissimum in illis hære-
dem constituit, Æmulatorem fe-
cit. Quem etenim solidiorem pro
Patria Scipionem, pro Religione
Pomphilius, pro iustitia fas sit
venerari Licurgum nisi TE quem
tametsi natura eximie non dotas-
set, nihilominus industria TUA
ad

ad præsentia (que possedisti) mu-
nera eluctata fuisset Novit præ-
clara Districtus Tui Nobilitas
luculentissimas qualitates TUAS,
idcirco ad capeffenda omnis pu-
blicitatis munia TE præ aliis ac-
ceptavit. Deputatum delegit &
deputavit. Legatum suum habe-
ri voluit, quibus stantibus per-
spicue demonstrasti id, ut quod
solidior difficultas TIBI attulit,
quidquid servanda indemnitas
persvasit, facilitares, defenderes,
& evinceret. Nonne his tot tan-
tisq; meritis novos titulos, novos
honores merebare Burgrabie me-
ritissime, quam inaugurationem
Con-

*Confestinavit festiva Virtus
TUA in qua purus latitat splen-
dor palmata honestatis mole gra-
vidatus Sed nolim ego Verborum
energiam Oratoria prolixius gra-
datione texere, quid quid enim a-
gis Macænas Faventissime ello-
gium est omnem transcendens El-
logiastam. Utere duntaxat ea qua
semper fuisti animi Celsitudine &
devotam in TE meam Observan-
tium TUA metiare benevolentia,
Opusculum quod supplex adsterno
splendori TUO dicatum patere
de TUO quippe splendore clarius
resplendescet per STAFFAM
Gentilitiam honoratis aditibus in-
ve-*

vehetur; Sospitem te diu fastigia
servent & dum mortalium fastos
excesserint lectissimam Sobolem
pro fructu & gloria communis
populi conservent. Votum humili
devotione paciscitur.

HONORIS & VENERATIONIS TUÆ

Studiofissimus Æstimator

Et indignus Exorator

Fr. R. S. O. S. P. p. E. S. & M. N.

FACULTAS ORDINIS

Fr. GERARDUS THOMASSICH
Ords S. Pauli primi Eremitæ SS. The-
ologiae Doctor Prior Generalis & Vi-
sitator Provinciæ Polonæ.

Reverendo Patri REMIGIO STRAUCH
Ordinis nostri Professo. Suppriori Con-
ventus Vetro-Częstochoviensis & Ma-
gistro Novitiorum. Do licentiam, re-
imprimendi Typis domesticis & dedi-
candi, Tractatum 1mum Authore
ARPatre DANIELE Concina, 2dum
Authore ARPatre PETRO Dierkens
utroq̃ Sacri Ordinis Prædicatorum Pro-
fesso. Datum in Conventu nostro Cla-
ri-Montis Częstochovien. A. 1765.
Die 13ia Mensis Julij.

Fr. GERARDUS THOMASSICH
Prior Generalis mpp.

FACULTAS REIMPRIMENDI

D I Æ C E S A N A.

UT Dissertatio DANIELIS Conci-
næ Ordinis Prædicatorum in To-
mo priori reperta Bononiæ An. 1762.
impressa, sub Titulo de Statu Religi-
oso, Capitibus duodecim constans, re-
cudi possit & valeat, concedo facul-
tem, Die 28. April. 1765.

M. CASIMIRUS STĘPŁOWSKI SS. P
Theologiae Doctor & Professor, Collegæ Ma-ior,
Librorum per Diœcesim Cracoviensem fa-
Censor.

mpp.

FACULTAS

R. A. P. PROVINCIALIS.

PERmitto, ut imprimatur hic Brevis Tra-
ctatus de obligatione Regulæ & Con-
stitutionum in Religiosis Ordinibus, sup-
politis supponendis. Datum Tornaci 4.
Maji, 1667.

Fr. BONAVENTURA de MARIVOORDE,
*Provincialis per inferiorem Germani-
am Ordinis Prædicatorum.*

FACULTAS REIMPRIMENDI

Censoris Diœcesani.

PRæsens libellus jam Anno 1667. 11. Ju-
lij approbatus. & Anno 1731. Coloniæ
impressus, ut iterum reimprimi possit, do-
cens facultatem.

M. CASIMIRUS STĘPLOWSKI S. T.
Doct̃or & Professor, Librorum per Diœ-
cesim Cracoviensem Censor Die 17.
Aprilis 1765.

A. m. d. c. lxxvi. Qui

Qui spernit modica, paulatim decidet. Eccl. 19.

Ubi statuta non observantur, talis Religio est sicut pomarium unde quaque apertum, quod fructus suos, non proprietariis, sed viatoribus fructificat & reddit. S. Fr. de Sales. l. 2. epi. 1.

S. Antoninus loquens de quibusdā Religionibus deformatis, ita ait: Præfata Religiones, quæ cum magno fervore & vitæ sanctimonia initium habuerunt, minima negligentes traditionum paternarum, in processu temporis paulatim defluerunt, & exinanitæ sunt usque ad fundamentum in eis. 2. part. hist. cap. 15 §. 2.

Si parvi pendas Constitutiones & ordinationes sacra Religionis, quantumvis parva sint, Monachus non es. Blos. in spec. Monach.

Sic minora, imo minima servemus cum nobis possibili, sicut majora & maxima; dicit enim Scriptura: Qui negligit modica, paulatim decidet. Diony. Carth. ser. 6. de Dom. 3.

Qui parva sine scrupulo cōscientiæ admittunt, insensibiles effecti, se sanos existimant, mala sua plangere, & vitam corrigere ignorant - - - & quamvis parva vulnera videantur, quia tamen nec cavent, ne ea suscipiant, nec postquam susceperint, debitā curā adhibent, omnino mortifera redduntur. Dac. Abb. in 5. T. Bibl. Patrum.



RELIGIOSO LECTORI.

Cum juxta Doctrinam Angelici Doctoris, & communem Religiosa professio obliget profitentem, non quidem ut defacto sit perfectus, sed ut semper tendat ad perfectionem charitatis & aliarum virtutum. & quia nonnihil obscurum videtur, in quo consistat ista tendentia, & quomodo, & quantum obliget; hinc varii Religiosi anguntur, quid facere debeant, ut huic obligationi satisfaciant. Declaro in hoc Tractatulo hanc tendentiam consistere in perfecta observantia Votorum, Regulae & Constitutionum. Quantum vero obligent vota, omitto hic tractare, quia de hoc egi sufficienter Tract. I. Exercitior. spirit. cap. 8. de obligatione vero Regulae & Constitutionum ibidem tractavi, sed breviter. Verum cum illa res sit magis obscura, & multum ab ea dependeat bonum Religionis, requirit ampliorem declarationem, quam expono per hunc Tractatulum, idque in Regula & Constitutionibus Ordinis PP. Prædicatorum, quæ

obligant ad solam pœnam & ad nullam culpam nisi propter præceptum vel contemptum: in quibus casibus à fortiori obligantur illi Religiosi, quorum Regula & Constitutiones obligant sub peccato. Cum verò laxiores aliqui Religiosi intelligant Regulam & Statuta sui Ordinis non obligare ad aliquam culpam, vel in aliis Ordinibus ad solam culpam venialem, arbitrantur esse negotium parvi momenti libere & frequenter illa transgredi, quod tamen valde magnum est, periculosum, & ruina Religionum, prout in sequentibus fusè demonstro; sperans fore ut per hoc confirmentur boni Religiosi in cuncta observantia, laxiores verò intelligentes grande periculum suæ salutis tempestivè resipiscant.

Cum verò materia hujus Tractatûs sit magni momenti, & ab illa maximè dependeat bonum Religionis, & concernat æqualiter omnes Religiosos Ordines, eam typis committere nolui, nisi prius illam submissem accurato examini doctissimorum Virorum & S. T. Professorum in Universitate Lovaniensi & singulis Ordinibus, quorum censuram his adjunxi. Opto, ut DEUS det incrementum, & abundè fructificet!

TRA



TRACTATUS BREVIS

De Obligatione Regulæ &
Constitutionum in Religiosis
Ordinibus.

CAPUT I.

*De Paradiso terrestri præfigurante Eccle-
siam Novi Testamenti, eius pulchritu-
dine & defectu.*

PLantavit DEUS Paradisum voluptatis à
principio, produxitque de humo omne
lignum pulchrum visu, & ad vescendum
suave, & ornavit illum omni pulchritudi-
ne, quæ ad oblectationem posset deservi-
re: & fluvius egrediebatur de loco volu-
ptatis ad irrigandum Paradisum, qui inde

2 *De Obligatione Regula &c.*

dividitur in quatuor Capita, Geon, Phis-
son, Tygrim, & Euphratem. Et posuit in
eo hominem, quem formaverat, rectum,
& perfectum in anima & corpore, orna-
tum omni scientiâ, gratiâ & virtutibus, in-
exterminabilem & immortalem, ut DE-
UM Conditorum suum ex toto corde, &
super omnia diligeret. Et in recognitio-
nem tantorum beneficiorum imposuit illi
hoc unicum præceptum: *Ex omni ligno Pa-
radisi comede, de ligno autem scientia boni &
mali ne comedas, in quocumque enim die co-
mederis ex eo, morte morieris.* Sed invidiâ
diaboli, qui homicida fuit ab initio, mors
intravit in Orbem: nam homo, qui obedi-
endo DEO poterat esse immortalis & bea-
tus, suggestionem diaboli per inobedientiam
recessit à DEO Creatore suo, audivit ser-
pentem veneficè incantantem, perdidit
DEUM, perdidit se, perdidit Paradisum,
immortalitatem, & totam posteritatem in-
numeris subiecit miseriis. Hæc in lege na-
turæ, in qua omnia erant magis corporalia
& figuralia.

§.

§. Primus.

*De Ecclesia Novi Testamenti, sancta & spiri-
tuali, & Religioso statu in ea inchoato,
à Christo Domino & Apostolis.*

2. **A**T in Nova Lege, spirituali, & veri-
tatis, plantavit quoque DEUS Paradi-
sum voluptatis, sed longè perfectiorem, &
pulchriorem, Ecclesiam scilicet Novi Te-
stamenti, totam in spiritu & sanctitate. In
ea posuit Unigenitum suum, novum Ada-
mum, ut esset caput & exemplar membro-
rum, & per sanctissimam vitam & obedi-
entiam usque ad mortem reduceret Adami
Posteriores ad DEUM, à quo per inobedi-
entiam recesserant. Insuper plantavit in illo
Paradiso vineam electam, Angelicum scili-
cet statum Religionis, selectam illam Ec-
clesiæ partem, florem, & pretiosissimum
lapidem inter Ecclesiæ ornamenta, hortum
illum fortissimè conclusum, Paradisum de-
liciarum, sanctitatis domum, scholam vir-
tutum, bellatorum stationem, Cœlum ter-
renum, cujus umbra cooperuit montes,

4 *De Obligatione Regula &c.*

cujus propagines extensæ à mari usque ad mare, & Christus in medio ejus est fons irrigans radices ejus, & eam fecundissimam reddens. Ipse primus vitæ Religiosæ fundamenta posuit in Palæstina, & ibidem vixit in suprema obedientia, factus Patri obediens usque ad mortem Crucis: Quod præceptum ingrediens mundum lubens à Patre acceptavit, in virginea castitate, in summa & tanta paupertate, ut non haberet, ubi caput suum reclinaret. Cujus ad exemplum Apostoli suum Magistrum imitati sunt. Similiter varii illorum discipuli.

§. 2.

Quomodo floruerit, ad diversas mundi partes extensus fuerit, & de flore & fructu quatuor Ordinum Mendicantium.

3. **E**Xinde eam transtulit in Ægyptum: ubi primos Monasticos Magistros posuit Antonios, Hilariones & plures hujusmodi sanctitatis Heroes. Sub quorum disciplina quandoque tria, quandoque quatuor millia uni Patri subfuerunt, & Religiosi-

osissimè vixerunt; homines ex diversis generibus & regionibus nati, ad tantam identitatis sinceritatem coaptati sunt, ut una anima in multis corporibus conspiceretur. Qui infirmus erat corpore, multos habebat affectu ægrotantes. Qui animâ ægrotabat, multos habebat sanantes. Lites & contentiones aberant. Communis charitas omnia communia faciebat, victum, vestitum, labores, orationes & coronas. Hujus vineæ Ducem posuit *Augustinum* in meridie; in Occidente *Benedictum*; in Oriente *Basilium*; in Aquilone alios. Hi omnes in tanta sanctitate vixerunt, ut in Ordine *S. P. Augustini* recenseantur homines Sanctitate clari sexdecim millia & ducenti. Sub Regula *S. Benedicti* referantur canonizati quadraginta quatuor millia, & viginti duo. Quorum quinque millia, quingenti, & quinquaginta quinque vixerunt in uno Cassinensi Monasterio, & ibidem sepulti sunt. In Cisterciensi, Præmonstratensi, & Carthusiensi, quasi innumeri in maxima sanctitate floruerunt. Imò tunc passim omnes Sancti.

4. Tandem divisus est fons ille Paradisi in quatuor capita, sive flumina, quæ egrediebantur de Paradiso ad irrigandam universam terram. Hi sunt quatuor Ordines Mendicantium, qui in spiritu Apostolorum incipientes, progressi sunt per universum Orbem, promulgârunt Evangelium Christi, per mare, per terram, per ignem & gladios, dantes animas suas, ut perditas oves adducerent ad ovile Christi, & innumeras animas doctrinâ sanâ, exemplari vitâ, signis & miraculis extraxerunt e diabolica captivitate, & lucrati sunt Christo. Tantus erat zelus erga salutem animarum, ut in quodam numerosissimo Generali Capitulo Ordinis *S. Dominici*, in quo, nomine Summi Pontificis petebatur, si essent aliqui parati ad prædicandum Evangelium Christi in terris infidelium? Ad unum omnes responderunt se paratissimos. Hi omnes vivebant religiosissimè, in magna sanctitate, in observantia votorum, Regulæ & Constitutionum exactissimi. In maxima austeritate & mortificatione corporis, per jejunia, fla-

flagella, catenas ferreas, cilicia, &c. Hi sunt viri Apostolici, æquii fortes & varii, qui rhedam Evangelicam deduxerant in universum Orbem. Hæc est florens illa vinea, quæ dedit odorem suavissimum cunctis populis. Hæc sunt ligna plantata in Paradiso producentia fructus honoris & honestatis.

Sanctissimæ Virgini *Theresa* revelatus fuit latissimus campus, quem *S. P. Dominicus* cum maximo exercitu Sanctorum Filiorum occupabat, qui omnes heroicè decertarant contra Hæreticorū antesignanos, & principes eorū dæmones infernales. Quorū nomina scripta erant in vasto volumine, quod eidem Virgini tradebatur. Non minora referuntur in Chronicis *Seraphici Ords*, ac *Montis Carmeli*, in quibus floruerunt doctrinā & sanctitate præstantissimi Viri sine numero.

§. 3.

Invidet diabolus, quærit diversa media destruendi hanc spirituales Vineam, & longo tempore non potuit.

5. AD talem phalangem ipse diabolus accedere metuebat, vincere desperabat,

se perdere cernebat. Ea propter antiquus ille serpens, & callidus tentator, qui primum Paradisum destruxerat, variis modis tentavit ingredi hortum hunc conclusum, nec potuit. Quid tandem fecit? Convocavit omnes principes tenebrarum, inivit consilium cum suis, quâ viâ id perficere possent. Unus inter illos cæteris callidior suggessit, ut viventibus *Dominico & Francisco* quiescerent à laboribus suis: futurum post mortem illorum ut multiplicatis cœnobiiis reciperent ad Ordinem nepotes ex affectu carnali: adolescentes sine zelo perfectionis, delicatos & assuetos deliciis: Nobiles, ambientes dignitates: Doctores, arrogantes ob doctrinam: ac tandem pro conservatione Ordinis cogerentur recipere quosvis: ac proinde tepesceret tunc zelus, frigesceret charitas, flaccesceret observantia; & ita facilè possent intrare hortum istum, pro tunc nimis fortiter conclusum, & vineam hanc electam devastare. Placuit consilium omnibus, expectârunt opportunum illud tempus, & immiserunt vulpeculas

las diversas in vineam istam, ut eam validè demolirentur: incipientes à minimis, ne nimis paterent ipsorum insidiæ, & sic via disponderetur ad majora. Nam callidus hostis ita decipit, cùm nobis persuadet, parva non magni facere, inquit *S. Anselmus*, sciens, ubi parva negliguntur, quòd totus Ordo paulatim dissipatur & destruitur, cùm sine parvis illis stare non possint majora, (inquit *D. Hieronymus*.)

§. 4.

Incepit illam cautè destruere à minimis, & successu temporis eam destruxit in diversis mundi partibus, & quibus mediis.

6. **I**ncipitur ergo hujus electæ vineæ devastatio à parvis dispensationibus & dissimulationibus; sensualitas incepit habere locum; exercitia spiritualia flaccescere, oratio mentalis, meditatio, recollectio quotidiana, examina conscientiae, reflexio super omnia opera sua, communicatio sui ipsius apud Superiorem, seu quod apud nos Capitulum quotidianum, sive de culpis vocatur, pro sola forma, & non seriò fieri,

vel omitti, hæc & similia ad vitam religiosam traducendam omninò necessaria. Inde ulterius progressum est. Ad quid (inquiunt) tot Constitutiones, quæ retineri non possunt? Sufficit nobis Regula. Post hæc iterum: Ad quid toties legere Regulam, quam tenemus memoriter? Sufficiant nobis vota. Tandem eò devenitur, ut vulpeculæ fiant vulpes, & devassent vineam, usque ad fundamentum in ea. Recipiuntur divitiæ, augmentantur census, fiunt Monasteria magnifica, portantur pecuniæ &c. Cum his (inquiunt) stare potest paupertas spiritus. Servi DEI debent benè tractari, nihil ipsis deesse debet, ne cogantur illa quærere apud sæculares. Ibi radix incontinentiæ, nā venter plenus est seminarium libidinis. Non in omnibus (inquiunt) parendum est obedientiæ. Struuntur convivium, invitantur amici, reinvitantur Religiosi, deseritur Officium Divinum, negligitur studium, fit frequens conversatio cum sæcularibus. Finaliter verificatur illud Psalmistæ: Commixti sunt inter gentes, & didicerunt opera eorum

rum, & factum est illis in scandalum, & non ipsis tantum, sed scandalosa ipsorum vita perdidit innumeras animas in populo Christiano.

§. 5.

Stupenda & deploranda ruina.

7. **Q**uomodo obscuratum est aurum, mutatus est color optimus, dispersi sunt lapides sanctuarii in capite omnium platearum. Denigrata est facies Nazæorum super carbones, non sunt agniti in plateis. O quantum distamus ab his, qui in diebus *Antonii* fuerunt Monachi! Sic *Macharius* vixit? Sic *Basilus* docuit? Sic *Antonius* instituit? Siccine alii fundatores Ordinum filiis suis talia documenta reliquerunt? Væ nobis! (inquit *S. Thomas à Villa Nova*) quia solum nomen vacuum Religionis, confusionem & habitum gestamus.

8. Plangite nunc Patres super filios vestros, in quibus sanctus DEI timor aut recessit, aut friget. Filii Sion quondam incliti & amicti auro primo, plangite super vos & super filios vestros, quod nomen Sancto-

Etorum Parentum inaniter gestatis Sic vivendo, sic operando procul aberitis à recipienda mercede centupla, & vita æterna, quando post horam undeciman, dum serò factum erit, Pater-familias ad solvendum operariis redierit.

CAPUT II.

*In quo exponitur vera & prima origo
hujus ruinæ.*

9. **M**irum fortasse alicui videri posset, quomodo eminens ille perfectionis status à sanctissimis viris, DEO inspirante & adjuvante, ita firmiter fundatus, tot propugnaculis munitus, in quo sancta Regula, sanctæ Constitutiones, continuæ exhortationes, per verba & exempla, tot sancta Exercitia, quæ est vera Turris Davidica, ex qua mille clypei pendent, in qua est omnis armatura fortium, contra diabolum, mundum & carnem. Mirum, inquam, videri posset, quomodo fortissima illa turris, tot munita præfidiis, ita deficere potuerit. Verum enim verò si quis benè consideret, quòd perfectissimi illi Principes Cœli, tot

gra-

gratiæ auxiliis confortati in veritate non
steterunt: non mirabitur, quòd lutea illa &
fragilis creatura inter tot pericula & tot
hostes deficiat. Quòd igitur defecerit, ita
id fecit inimicus homo, qui continuò cir-
cuit, quærens quem devoret. Idque dum
homines dormirent, hoc est, dum Superi-
ores negligentius agerent, & minus vigi-
larent. Vel cum præcipua Religiosorum
supposita dormitionem acceperant. Quod
in diversis sæculis, ex diversis malis ortum
habuit. Nam ut referunt Chronica Ordinis
Prædicatorum, circa annum Dñi 1348.
tam horrenda Pēstis deſcēvit per univer-
ſam Europam, ut vix decimum hominem
reliquerit. Tunc præcipui Religioſi zelo
animarum inflammati, ne infectorum ani-
mæ ſimul cum corporibus perirent, poſu-
erunt animas ſuas pro animabus proximo-
rum. Et hoc modo præcipuis Suppositis
morte ſublatis, reperit dæmon opportuni-
tatem bonam, ſuffodiendi hanc myſticam
Turrim.

Aliis quoque ſæculis arripuit anſam per
bel.

14 *De Obligatione Regula &c.*

bella & hæreticos, invasit Ecclesias, Monasteria devastavit & concremavit. Sacerdotibus, præsertim Religiosis, gravissimas persecutiones intulit, & immaniter occidit; adeò ut crudelitatem inexplicabilem, quam præcedenti adhuc sæculo exercuerunt totam ferè Europam, singulariter tamen in Partibus nostris, non tantùm cognoverimus ex Historicorum monumentis, sed Patres nostri, qui hæc viderunt & experti sunt, narraverunt nobis filiis suis. Quid igitur mirum, quòd diabolus in occasione adeò desiderata ita profundè suffoderit Religiosam hanc vineam, destruxerit maceriam ejus, ita ut omnibus præteruntibus patuerit desolatio ejus!

10. Contra quæ mala hoc nostro sæculo omnium Religionum Superiores indefessè laborârunt, ut quæ collapsa erant, restaurata conservarent, & ulterius promoverent. Idque cum ingenti profectu, in tantum, ut modò in singulis Religiosis communitatibus ubique Religiosè & regulariter vivatur, & in illis quamplurimi veri & sancti
Re-

Religiosi inveniantur. Quorum bonæ famæ nihil officit, quòd inter illos reperiantur aliqui diffformes, dissoluti & falli fratres: numquam enim seminatur tam purum triticum, cum quo non metitur lolium: & ab initio non fuerit tam sancta familia, in qua non aliquis degener & perversus fuerit. Prout *S. Augustinus* ostendit à Cœlo Empyreo, & ab Arca Noe usque ad collegium Apostolorum inclusivè. Per quæ descendit bonam famam domûs suæ, contra quosdam obtrectatores, qui ex paucis perversis volebant optimas communitates infamare.

II. Volens igitur sanctis conatibus bonorum Superiorum utrumque cooperari, & diversorum desiderio facere satis, qui dudum desideraverunt, ut ea, quæ in Exercitiis spiritualibus nimis diminutè à me scripta erant, magis ampliarem: hunc parvum tractatulum scripsi, ut obligationes Religiosæ Regulæ & Constitutionum magis explicarem. Idque non ex proprio cerebro, sed ex sensu Sanctorum & Majorum
no-

nostrorum, ponendo breviter hinc & inde eorum verba, & brevitatis causâ, sæpius solum sensum. Qui hæc latius legere desiderat, legat Tractatum illum, quem totum conscripsit ex sententiis Sanctorum Patrum doctissimus P. M. *Joannes Baptista Lexana*, Sacri Ordinis *Beatæ Virginis Mariæ de Monte Carmelo*, cujus exemplaria à pluribus desiderantur. *Zanchez in decalogum cap 4. & 5. Peyrinus tom. I. c. 15. per totum. Julius Negronius in Tract. Ascetico de Cura Minimorum.*

§. I. *De causa*

Declarantur causæ propinquæ hujus

ruinæ.

12. **U**T igitur diabolicis istis machinationibus efficaciter occurratur, opere pretium erit in primis detegere callidas illas foveas, per quas Satanicæ illæ vulpeculæ ingrediuntur mysticam hanc vineam, ut vastari possint.

Tales foveæ sunt neglectus Orationis & Exercitiorum spiritualium, quæ hîc superius retuli, aut tepida eorum executio, ni-

mia

ma extra Monasterium evagatio, nimia familiaritas & inordinata conversatio cum secularibus, tametsi specioso titulo fieri videatur. Ostendit *Granatensis*, quòd tales subinde lucrentur aliorum animas, & suas perdunt. Otiositas & neglectus studii, exemptiones, privilegia, & indiscretæ dispensationes, ambitiones, divisiones per diversas ligas, negligentes Prælati, mala educatio Novitiorum; & communissima fovea est negligentia & contemptus seu parva æstimatio parvarum Constitutionum & regularum, per quam imperceptibiliter destruuntur florentissima Monasteria: hoc ultimum potissimum in sequentibus declarare intendo.

§. 2.

Ponitur remedium, quò ruina restauratur.

13. **Q**uid igitur factò opus, ut his malis alterius occurratur, & eliminentur? Nihil profectò aliud, quàm illud ipsum, quod Sapiens præscribit, dum ait: *Capite nobis vulpes parvulas, quæ demoliuntur vineas*

neas. Capiuntur tunc vulpes parvulæ Sathanicæ, quando in Religionibus minima quæque in Regula & Constitutionibus exactè observantur.

Quapropter ut perniciosæ istæ vulpculæ à religiosa ista vinea excludantur, & hortus iste fortiter concludatur: necessè est ampliùs declarare fallacia fundamenta, quibus innituntur Religiosi illi transgressores, & illa efficaciter refutare, & fallaciam declarare, ne habeant ulteriùs ansam ad excusandas excusationes in peccatis. Nam cùm proditur dolus, cùm fraus aperitur, cùm convincitur falsitas, rectissimè tunc dicitur vulpes capta, inquit *S. Bernardus Serm. 64. in Cant.* Allegant itaque tales Religiosi, aliàs boni, in sui excusationem illa, quæ in sequentibus fusiùs declarantur.

C A P U T . III

Ponuntur excusationes, quibus se excusant transgressores in transgressionibus suis, & refutantur.

14. PRIMò igitur allegant, quòd Constitutu.

tutiones sunt res parvi momenti in ordine ad perfectionem.

2. Quòd hæc ita faciunt cum licentia & dispensatione Superiorum; & quòd illum vivendi modum sic invenerint; & quòd maxima pars communitatis, & multi Viri docti sic vixerunt, & etiamnum vivunt; ac proinde quòd Constitutiones & antiquæ illæ Leges per contrariam Consuetudinem, & legitimam præscriptionem sint abrogatæ.

3. Dicunt: Illæ Leges etiamfi adhuc obligarent, obligant solum ad Veniale, per quod non possumus excludi à Cælo.

4. Dicunt alii: Regula & Constitutiones nostræ non obligant ad culpam aliquam, sed ad solam pœnam, ac proinde non minuitur per transgressionem perfectio, ad quam obligamur.

§. I.

15. **R**espondetur ad primam excusationem, quam prætexunt continui transgressores: quòd in Religione exactè observare Regulam & Constitutiones, etiam minimas

mas, est res magni momenti, continet maximam perfectionem, addit illam votis, & conservat vota.

I. Probatur. Quia diabolus, volens destruere Religiosam observantiam, incipit à minimis, ut supra dictum est: Ergo à contrario, qui vult in se construere observantiam, debet à minimis incipere; quia hoc parat viam ad vota, sicut observantia votorum parat viam ad servanda Præcepta, inquit *S. Thomas quodlib. 4. ar. 23.* & sine illis difficile est, servare Præcepta.

II. Probatur. Ex verbis SS. Patrum, quos citare ad longum omitto brevitati studens: dicunt etiam, quòd Religiosum ad observantiam, etiam minimorum, impellere debet cordialis amor DEI & perfectionis virtutum, ad quæ tendere DEO promisit: insuper & ædificatio proximorum, ad quam præ omnibus Christianis peculiari obligatione Religiosi adstringuntur. Præterea quòd nihil est parvum, quod DEI causâ fit. Quod DEO placet, & ipsi gratum est. Quod DEUM ipsum meretur in mercedem

Qui à minimis incipiunt, in maxima pro-
ruunt, sive in bono, sive in malo, & Chri-
stus ipse *B. Magdalena de Paxxi* mandavit,
dicens: Tanti facias Regulam, statuta &
vota tua, quantum volo ut me æstimes. Et
de parvis defectibus & peccatis inquit *S.
Bernardus*: Nemo dicat in corde suo: levia
sunt ista, non curo corrigere, non est ma-
gnum, si in his maneam venialibus mini-
misque peccatis. Hæc est (inquit) impœ-
nitentia, blasphemia in Spiritum Sanctum
irremissibilis.

III. Probatur: Christus dixit *Mat. 5. v.
17. Quod non venit solvere legem, sed adim-
plere*: adimplevit legem, & maximè perfe-
cit illam superaddendo ei aliqua, quæ par-
va videbantur. Exempli gratiâ, *Legem, Non
occides*, datam antiquis, perfecit quàm ma-
ximè, addendo illi: *ut ne quidem irascamur*;
ubi lex de *non occidendo* cum maxima per-
fectione superaddita continetur in *non f-
rasci*. Nam, qui ne quidem irascitur, lon-
gissimè abest ab occisione. Similiter qui ita
constitutus est, ut ne quidem venialiter ve-

B

lit

lit offendere DEUM, perfectissimè im-
plet legem charitatis, & longissimè abest
a mortali odio. Quam perfectionem acci-
pit ab observantia legis in parvo, ut vide-
tur. Similiter ergo respectu voti castitatis
maximum quid addit, qui ne quidem vult
oculum figere in muliere, quod habet ex
observantia Regulæ. Iterum: Qui nihil
vult recipere, quod non statim plenissimè
submittit liberæ dispositioni Superioris,
perfectissimè implet votum paupertatis.
Perfectissimè obediens est, qui Superiori
usque ad minutissima promptè obtempe-
rat, & causam quare sic, vel aliter præci-
pit, non indagat. Has perfectiones accipi-
unt vota ab observantia parvarum Consti-
tutionum, in quarum observantia contine-
tur votorum observantia, & superaddunt
majorem perfectionem. Quia Constituti-
ones ordinantur ad perfectionem votorum,
inquit *S. Thomas* infra citandus.

Insuper: Signum est evidens perfectæ
dilectionis, quod aliquis ita dispositus est,
ut nequidem in minutissimo velit esse DEO.

im- infidelis, sed promptè & alacriter omnia
 abest illi solvit. Cedit hoc quoque plurimum in
 acci- DEI honorem. Est DEO gratissimum, &
 vide- rumpit viscera misericordiæ DEI nostri,
 tatis adeò, ut liberalissimè super tales Religio-
 vult sos thesauros gratiæ suæ effundat, eos spe-
 et ex cialissimo auxilio gratiæ præservando ab
 nihil omni malo, & promovendo admirabiliter
 ssimè in omni bono. *Vide latius de his Alphonsus*
loris, Rodericium de Perfectione part. I. Tract. I.
tatis, cap. 9. & sequentibus.

riori IV. Probatur: Ex gratiis & beneficiis,
 mpe- quibus à DEO præmiantur, qui sua statuta
 ræci- exactè observârunt. Refert S. Bernardus
 cipi- visionem de quodam sancto viro Gerardo,
 onsti- cui ante mortem revelatum fuit à Christo,
 tine- quòd nulli Religiosi sui Ordinis perirent,
 ddunt qui diligenter observarent statuta & Regu-
 tituri- las suæ Religionis. Idem revelatum fuit
 orum, S. Thoma, ut habetur in Vitis Fratrum Or-
 dinis Prædicatorum. Et S. Mater Teresa re-
 feret diversos Religiosos, qui in perfecta
 as est, observantia Constitutionum vixerant, sine
 DEO Purgatorio ascendisse ad Cœlum. Qui ve-

in-

Bz

rò

rò referuntur in actis Generalium Capitulorum Ordinis nostri obiisse cum opinione sanctitatis, semper ferè additur quòd in observantia Constitutionum fuerint exactissimi. Econtra autem referuntur in diversis historiis gravissimæ punctiones eorum, qui negligentes fuerant in observantiis, etiam parvis, suarum Constitutionum, quas brevitatis causâ omitto. Refert vari-
as Petrus Damianus, & P. Engelgrave, in *Luce Evangelica*, in Sermone super Evangelium Dominicæ 6. post Epiphaniam. Et in *Vitis Fratrum Ordo Prædicatorum parte 5. cap. 5.*

CAPUT IV.

Secunda Excusatio (Quòd hæc ita faciunt cum licentia &c.) allegata refutatur.

16. **A**D secundam Excusationem respondetur: quòd Superiores acceperint potestatem in ædificationem, non in destructionem, & vera dispensatio requirit causam necessariam, honorem DEI vel majoris boni in proximis, quæ in relaxata vita regulari non reperiuntur. Superiores sine prædictis causis dispensantes sunt duces

ces cæcorum, & subditi utentes tali dispensatione cum ipsis simul in foveam inferni cadunt. De quo subjungo, quæ habet Religiosissimus Pater Joannes Nider, de Reformatione Lib. 1. Cap. II. hoc modo:

Sextò sequitur: Quòd dispensatio, quæ hodie passim in multis Religionibus fieri videtur, & dissimulationes in continua non tentione silentii in interdictis locis & temporibus: in fractione continui jejunii regularis, in perpeti commestione carniùm: in lineis vestimentis, & culcitris penneis seu lectorum usu frequenti: in fuga à choro & cantu Divini Officii: in usu tonsuræ & habitibus prohibitis: in negligentia studii litterarum: imò potissimè in appropriatione pecuniæ & similium, quæ in Regula & statutis sunt prohibita, non sunt dispensationes, sed dissipationes; in quibus nec Prelatus potest dispensare, nec subditus talem dispensationem accipere. Apud multos igitur obtinet vulgaris ista definitio: Dispensare est cum licentia infernum intrare Hæc ille.

Et in detormatis & relaxatis communitatibus, non oportet sequi majorem par-

tem, quia ibi major pars ingreditur amplam & spatiosam viam, quæ ducit ad perditionem. Et forma vivendi non à pluribus, sed ab honestioribus sumenda est, inquit *S. Bonaventura*. Tales sunt, qui vivunt regularem vitam in professione promiserunt, quamvis in numerosissima communitate forent solum duo vel tres. Excusatio illa, quod talem vivendi modum ibi invenerint, non indiget responsione, sed emendatione. Et viri docti sic viventes, præter commune peccatum transgressionis, peccant gravissimo peccato scandalii, quod vitam suam non conforment sanæ doctrinæ coram pusillis.

Neque habet hîc locum præscriptio ad abrogandas Constitutiones & Regulam; quia nullo tempore, quamvis longissimo, potest peccatum præscribere contra virtutem, nec malum contra bonum.

§. 1.

Refutatur 3. Excusatio.

Quod 3. alii producant in excusationem suarum transgressionum, nimirum, quod
Re-

Regula & Statuta non obligent ad mortale, sed ad solum veniale; ac propterea se per transgressionem non posse excludi à regno Cœlorum: est indigna excusatio pro viro religioso, qui profitetur perfectionem, est responsio meri servi & mercenarii.

Ut refutetur hoc malum fundamentum, breviter referam ex communi sententia Theologorum & dictis Sanctorum Doctorum, quanta mala & pericula contineantur in peccatis venialibus, ut illis cognitis terreantur omnes, & abtineant ab illis, præcipuè Religiosi: Loquor præcipuè de peccatis venialibus, quæ committuntur deliberatè & sine urgente causa; non verò de illis, quæ committuntur per inadvertentiam, aut ignorantiam, vel fragilitatem, quæ permittuntur à DEO in iustis ad exercitium humilitatis, & facilè dimittuntur.

§. 2.

De malitia peccati Venialis, & quàm graviter à DEO puniatur.

18. **I**lluminatiss. Doctor P. Joannes Taubert.

B4

Ierus dicit: Quòd nullâ linguâ explicari queat, nec ullo intellectu capi, quanta malitia contineatur in uno peccato veniali, quàm perniciosum sit animæ, & quanta mala adferat eidem. In primis continet contemptum & injuriam in DEUM quodammodo infinitam, propter infinitam dignitatem offensi, & maximam vilitatem offendentis. Sine comparatione major est injuria, quæ irrogatur DEO per unum veniale peccatum, quàm si aliquis occideret proprium parentem, loquendo de injuria, quæ præcisè fit parenti.

Plurimum displicet DEO ac offendit illum, qui tam magnus est. Omnia mala poenalia hujus mundi, ut ignes, cruces, lanterna, gladii, &c. Omnes difficillimi morbi totius mundi, ut calculus, iliaca passio, sciatica, podagra, & omnia simul juncta, comparari nequeunt cum malitia unius peccati venialis, quocirca deberet quis secundum rectam rationem præeligere millies ac millies intrare ardentem fornacem, quàm vel unum veniale peccatum deliberatè committere.

Po-

Potius toleranda est omnis mors pœnalis, imò annihilatio, quàm unum veniale admittere. Quocirca rectè quidam Sanctus. Malo dæmonum adire domicilium, quàm vel levi noxâ DEUM offendere.

Si Sanctissimæ Virgini daretur optio, utrum duorum præligeret, admittere nimirum peccatum veniale, vel videre Filium unigenitum subire omnia tormenta transacta, (si sine peccato id fieri posset) & liberare posset omnes homines ab æterna damnatione: mallet Christum hæc omnia iterum pati, imò ipsamet vellet hæc potius omnia ei infligere. *S. Brigitta de Revelation.*

Punit DEUS illud frequenter in hoc sæculo gravissimis pœnis, qui tamen tam iustus est. *Moyſes & Aaron* propter levem incredulitatis culpam terrâ promissionis privati sunt, ac morte puniti. *Oza* ob levem irreverentiam commissam erga Arcam, à Domino morte percussis interiit. *David* ob curiositatem commissam in numerando populo punitus fuit peste, quâ

paucis horis obierunt 70000. Varij Sancti Patres dicunt in his solum veniale fuisse commissum.

In futuro illud punit dirissimâ poenâ ignis, qui tamen adeo misericors est. Nam omnes poenæ hujus sæculi non sufficiunt ad levem aliquam noxam expiandam. Leguntur in diversis Historijs varij gravissimè puniti, & diutissimè in flammis purgatorii ob leves noxas, quas videre licet in *Luce Evang. Engelg.* qui multa ibidem horrenda scribit de peccatis venialibus. Disponit quoque ad mortem animæ, sicut febris disponit ad mortem corporis. Præterea ita liberè & sine causa continuò committere peccata venialia in causa est, quòd plurimi in æternum damnentur. Quia secundum communem doctrinam Theologorum, hujusmodi liberis Transgressoribus in poenam peccatorum, negat DEUS sæpè speciale auxilium gratiæ, quando urget tentatio ad peccatum mortale, & ita succumbunt tentationi, & peccant mortaliter. Et sic progredientes, ex uno mortali incidunt

dunt in aliud; quia peccatum posterius est poena peccati prioris: ac tandem in peccatis vitam finiunt, & æternum damnantur. Quam doctrinam quilibet graviter apprehendere debet. Insuper pulchritudinem animæ maculat, fervorem charitatis, DEO adeo gratum, facit flaccescere. In actionibus bonis meritum gratiæ & gloriæ impedit, retardat à consecutione regna Cœlorum. Religiosi deberent plus deplorare unum veniale, quàm simplices sæculares diversa mortalia.

19. Et quod valde mirum alicui videbitur, sed nihilominus verum: Quòd sæpè periculosius peccatur in parvis peccatis, quàm in magnis. In ore duorum testium fide dignissimorum hæc veritas confirmatur, Chrysostomi videlicet & Greg. Magni, ita loquentium: *Mirabile quiddam, atque inauditum dicere audeo; solet mihi nonnunquam non tanto studio magna peccata videri vitanda, quanto parva & vilia: illa enim ut aversemur, ipsa peccati natura efficit, hæc autem, bac ipsa re, quia parva sunt, desides*

reddunt; & dum contemnuntur, non potest ad
expulsionem eorum animus generosè insurgere.
Unde citò ex parvis maxima fiunt negligentia
nostrâ. Chrysostomus Hom. 87. in Matth.
Nonnunquam deterius in parvis, quàm in ma-
gna culpa peccatur. Major enim quò citius a-
gnoscutur, eò enim celerius emendatur: minor
verò, dum quasi nulla creditur, eò pejus, quò
& securius in usu retinetur Gregorius Ma-
gnus 3. p. Pastoralis, Admonitione 34.

Hæc duo testimonia æq; efficaciter pro-
bant, quòd in frequenti transgressione mi-
nimarum constitutionum sæpè periculosius
peccetur, quàm in transgressione votorum.

Ex his jam dictis liquet, quàm insipien-
ter loquuntur, qui dicunt: parva sunt ista,
sunt tantùm venialia &c. Contra quos me-
ritò graviter excandescit S. Bernardus su-
perius citatus, vocans hoc impænitentiam,
peccatum in Spiritum Sanctum, & irremissibile.

CAPUT V.

De quarta causa, quâ se excusant Trans-
gressores Regula & Constitutionum.

20. **A**lij tandem excusant continuas
trans-

transgressionibus suas ex eo, quòd Regula & Constitutiones eos non obligent ad aliquam culpam, sed ad solam pœnam taxatam, ac proinde quòd per transgressionibus non diminuatur perfectio, ad quam ex vi professionis tendere tenentur.

Hæc excusatio habet majorem apparentiam, quàm præcedentes, & propterea plures per illam inducuntur ad transgrediendum: ac proinde pluribus argumentis & fortioribus refutari debet. Et omnia quæ adducentur ad illam improbandam, à fortiori improbabunt tres præcedentes excusationes. Quod ut debitè fiat, explicari debet fusiùs obligatio Regulæ, & Constitutionum illarum, quæ obligant ad solam pœnam. Nam quidquid de hujus obligatione diceretur, à fortiori convenit Regulæ & statutis illis, quæ obligant ad peccatum.

§. I.

Refutatur 4. Excusatio.

21. **U**T igitur refutetur 4. Excusatio & explicetur obligatio Regulæ &

34 *De Obligatione Regulæ &c.*

Constitutionum, notandum est.

Nota I. Quòd in quibusdam Religionibus multa continentur in Regula & Statutis, quæ obligant ad peccatum mortale, quæ constant ex verbis Regulæ. Exposuit olim R. P. *Joannes Capistranus* *Eugenio IV.* quòd in Regula *S. Clara* continerentur 130. præcepta regularia obligantia ad peccatum mortale, quorum ferè omnium obligationem abstulit præfatus Pontifex. Ita refert R. P. *Marchant* in *Resolutionibus casu 30.*

In alijs quibusdam Religionibus transgressio Regulæ &c. obligat ad peccatum veniale: quia hæc fuit intentio Superiorum instituentium & subditorum profitentium.

Sunt & aliæ Religiones, in quibus Regula & Constitutiones non obligant Transgressores ad aliquam culpam, sed ad solam pœnam taxandam. Ita est in Ordine Prædicatorum, in quo Regula & Constitutiones obligant ad solam pœnam, nisi propter præceptum, vel contemptum, Constat ex prologo Constitutionum, *Tex-*

tu 6. litteram. & ex S. Thoma 2. 2. q. 186. art. 9.

Nota II. Quòd præcepta Superiorum sunt in duplici differentia: aliqua vocantur præcepta formalia, quæ fiunt sub hac verborum forma: Præcipio hoc, vel illud, in virtute Spiritûs Sancti & Sanctæ Obedientiæ, &c. Et hujusmodi præcepta obligant ad mortale, etiam facta in materia aliàs indifferenti, dummodo habeat motivum multum conducens ad regularem observantiam. Exempli gratiâ: Hoc modo sæpè præcipitur, ne Religiosi ingrediantur mutua cubicula, ne ingrediantur hanc, vel illam domum: ne comedant, vel bibant in civitate, & alia similia.

Alia præcepta sunt simplicia, vel materialia, quæ Superiores sæpè faciunt ore tenus, sine certa verborum forma, ut dum dicunt: Volo, vel mando, ut hoc, vel illud facias. Et hujusmodi præcepta non obligant ex se ad aliquam culpam, nisi esset magna materia, sed in Ordine Prædicatorum ad solam poenam, ut patet ex prolo-

go Constitutionum Text. 4. littera L. & in Cap. de Novitijs in declarationibus ad textum 3. in fine. Ubi & ratio additur. Ex quibus constat, quod Constitutiones & Regula, quæ obligant ex se ad solam pœnam, propter superveniens præceptum formale, obligent ad peccatum; quia tunc fit contra obedientiæ votum, inquit S. Thomas.

CAPUT VI.

Utrum in Religionibus, quarum Regula & Constitutiones obligant ad solam pœnam; citra præceptum aliquando adhuc obligent ad peccatum.

I. **R**espondetur: Religiosos esse in statu perfectionis, non acquisitæ, sed acquirendæ. Perfectio illa consistit in charitate perfecta, & aliarum virtutum. S. Thomas 2. 2. q. 186. a. 6. in corp.

II. Respondetur: Religiosos inde perpetuò obligari ad ea, quæ perfectionis sunt, quæ obligatio oritur ex voto professionis paupertatis, castitatis & obedientiæ. Idem ibidem.

III. Respondetur: Religiosi ex vi professi-

professionis tenentur semper tendere & operam dare, ut habeant charitatem perfectam: quæ tendentia consistit in observatione votorum, Regulæ, & Constitutionum. *Ibidem art. 7. ad 1.*

IV. Respondetur: Votum professionis principaliter respicit tria vota: alia verò omnia, scilicet Regulam & Constitutiones, quæ ad vota ordinantur, respicit secundariò. Ideo transgressio votorum obligat ad mortale: aliorum autem transgressio non obligat ad mortale, sed ad solam poenam taxatam, nisi propter contemptum, vel præceptum: Quia contemptus contrariatur professioni, per quam vovimus regularem vitam. Transgressio præcepti ipsius Prælati, vel Regulæ est contra obedientiam. *Ibidem art. 9. in Corp.*

Nota I. Circa hanc responsionem: quòd aliqua annectuntur voto professionis pro diversitate Religionum, prout congruit eorum diverso fini, vel honestati, quæ obligant sub peccato: ut persolvere Horas Canonicas, frequentare chorum, studere
di.

diligenter *S. Scriptura*, *Theologia*, præsertim morali, & controversijs, pro Ordinibus Mendicantium, abstinencia à carnibus, pro Carthusianis, cibus Quadragesimalis, pro Minimis, deferre habitum sui Ordinis, pro omnibus, non egredi monasterium furtivè, & maximè nocte, quod *Clemens VIII.* posuit inter casus reservabiles; cui vicinum est: egredi monasterium cum licentia obtenta mentito titulo, ut prætextu eundi ad infirmos, ire ad alia consortia; quia inde nata sunt sequi gravia mala in præjudicium Religionis, præsertim quando fit nocte. Idem est judicium de similibus.

Nota II. Sæpè contingere, ut in transgressionibus Constitutionum, in quibus subditi incurrunt solam poenam, Superiores graviter peccent, si per illas transgressiones vident graviter relaxari observantiam Regularem, & non conantur pro posse illa emendare.

V. Respondetur: Religiosus non transgreditur suam professionem, si non sit perfect-

fectus, sed solum si contemnat ad perfectionem tendere. *Ibidem art. 9. in corp.*

V. Respondetur: Duplici modo contemnit Religiosus ad perfectionem tendere: I. formaliter, quando elicit actum hunc: nolo subijci Regulæ & Constitutionibus. II. Quando per notabilem negligentiam & talem incuriam omittit tendere ad perfectionem, qualis explicatur *Resp. 8.* Quod est contemptus interpretativus.

VII. Respondetur: Religiosi Ordinis Prædicatorum in transgressione suarum constitutionum possunt peccare venialiter, vel mortaliter ex negligentia, ira, vel contemptu. *Ibidem art. 9. ad 1.*

VIII. Respondetur: Religiosi Ordinis Prædicatorum, & aliorum Ordinum, quorum Regula & Constitutiones non obligant ad aliquam culpam, diversis modis peccare possunt, mortaliter, vel venialiter, in illarum transgressione.

1. Quando illarum transgressio provenit ex mala causa, quæ est peccatum.

2. Quando etiam sine mala causa, cum
con-

40 *De Obligatione Regula &c.*
contemptu virtuali fit transgressio.

3. Quando ipsa transgressio Constitutionum est causa peccati.

Explicio singula cum Exemplis.

§ 1.

Explicatur primus transgrediendi modus.

23. **P**rimus modus, quo transgressio Regulæ & Constitutionum est peccatum, contingit, quando illa oritur ex causa peccaminosa. Ratio est: Quia malitia causæ transfunditur in effectum, & exinde opera alias bona fiunt peccatum: ut elemosyna data pauperi mulieri ad fornicandum cum illa, est peccatum mortale. *S. Thomas citatus respons. 7.*

Ita peccat graviter, qui ex formali contemptu transgreditur Regulam & Statuta. Quod tunc contingit, quando ideo transgreditur, quia non vult illis subiaci, idque, vel ex malitia, vel quia iudicat illa irrationabilia, vel nullius momenti. Ratio est: Quia hoc directè contrariatur voto professionis, quo obligatur per illa media tendere ad perfectionem. Insuper,
quia

quia causa, ex qua procedit transgressio, est peccatum, scilicet contemptus. *S. Bernardus* ait: *Neglectus culpabilis, contemptus damnabilis est.*

Similiter peccant, qui Regulam & Constitutiones volunt continuò transgredi, & pœnas subire recusant. Ratio est: quia hoc expressè contrariatur voto Professionis, in quo promittit vivere secundum Regulam & Constitutiones, quæ requirunt, ut illa observet vel subeat pœnam.

A talibus non prout absunt illi transgressores, qui pœnas inviti subeunt, & murmurant contra illas, ac si eis fieret injuria.

Peccant etiam, qui ignorant Statuta & Ordinationes sui Ordinis, & negligunt illas legere & addiscere: quia tales convinctur ex hoc nolle implere ea, ad quæ per professionem se adstrinxerunt; quocirca talis ignorantia & negligentia, ex qua peccant, non excusat, quia est de illis, quæ tenentur scire

Illi quoque, qui ex ira, ut se vindicent

con-

contra Superiorem, murmurant tempore silentij: vel ex mera gula frangunt jejunia Ordinis, & sic de alijs: peccant quoque venialiter, vel mortaliter, secundum qualitatem causæ, ex qua moventur ad transgrediendum.

Pro quibus tamen nota: Quòd in casibus positis & alijs similibus, transgressio Regulæ vel Constitutionum non habet distinctam malitiam à malitia causæ, ex qua procedit. Ita in præsentì sufficit in confessione dicere, in I. casu, commisi peccatum gulæ in materia levi. In II. casu, murmuravi graviter, vel conspiravi contra Superiorem.

Debetur tamen illis peccatis duplex poena: una, quia sunt peccata: altera, quia sunt contra Regulam, vel Constitutiones, quæ ad specialem poenam obligant.

§. 2.

Explicatur secundus transgrediendi modus hic supra positus. 2. Quando etiam &c.

24. **P**Ræcipua difficultas hîc est de continua transgressione Regulæ & Con.

Constitutionum sine aliqua mala causa, sed ex nulla, vel siivola, ex mala consuetudine.

Utrum in tali transgrediendi modo contineatur peccatum? Et quale peccatum? Quæ res visa est semper valde obscura, & ejus resolutio à multis dudum desiderata.

Ad quam difficultatem respondeo: Si tales transgressores, dum subinde advertunt suum irregularem modum vivendi, pœniteant de illo, & proponant se emendare, & utcumque conantur, quamvis valde periculosum sit ita vivere, puto tamen in illo non contineri virtuales contemptum. Quia contemptus tollitur per pœnitentiam & emendationis propositum, sive per hoc, quòd judicent se malè facere, quando advertunt continuas suas transgressiones, & ita implicitè dolent, quo circa talis vivendi modus videtur pertinere ad fragilitatem humanam, & nondum pertingere ad contemptum.

Si verò illi transgressores continuo & quàmvis occasione habitâ, liberrimè transgre-

grediuntur Regulam & Constitutiones, cum nulla aut frivola ratione, & in huiusmodi transgressionibus perseverant per hebdomadas, menses &c. Et hoc subinde advertentes, neque cogitant, neque curam aliquam habent de emenda. Tales vivunt in statu valde periculoso, & proxima dispositione ad formalem contemptum; quinimò in tali transgrediendi modo reperitur interpretativus, seu virtualis contemptus, ac consequenter peccatum, & continuò sunt in malo statu.

Imò, ut inquit D. *Dionysius Carthusianus*, tota taliter viventium vita est continuum peccatum. Et confessiones, quas faciunt, & sacrificia, quæ offerunt, sunt magna sacrilegia, verba illius postea referam.

*Probat*ur: Nam contemptus est voluntaria sine causa continuata legis transgressio. Ita R. P. *Magister Petrus Martyr in Summario Constitutionum nostrarum parte 2. cap. 21. de contemptu refert ex diversis.* Atqui hoc reperitur in præfatis transgressionibus, ut patet.

2. Quia

2. Quia tales transgressores per liberum illum transgrediendi modum sine causa continuatum ostendunt se nihili facere Regulam & Constitutiones. Et ostendunt eandem pravam dispositionem, quam habent, qui formaliter contemnunt, solum differunt, quod hi apertè & peiori modo faciunt, quod illi faciunt implicite & interpretative. Ponunt idem obstaculum tendentiæ ad perfectionem: & sunt proximè dispositi ad formalem contemptum; quia si tales seriò moneantur, obvium est, ut respondeant: Non curo, nolo aliter facere, parvum vel nihil est hoc. Et refert præfatus Pater in præfato Summario in diversis locis, de illis, qui frangunt jejunia regularia sine causa, similiter de his, qui utuntur lineis ad carnem, qui frangunt continuè silentium, & in similibus perseverare intendunt, dicit, quod disponantur ad damnabilem contemptum. Fuit hic vir doctissimus, & in regularibus Constitutionibus versatissimus.

Peccatum verò, quod sic vivendo com-

Quia C mit-

46 *De Obligatione Regulae &c.*

mittitur, directè contrariatur professioni, per quam aliquis promittit Regularem vitam, inquit *S. Tho.* 2. 2. q. 186. a. 9. in corp.

Si quis objiciat, quòd *S. Thomas* loco citato ad 3. dicat: Quòd frequentia peccati dispositivè inducit ad contemptum. Ergo in ea nondum est contemptus.

Respond. Quòd *S. Thomas* ibi loquatur de contemptu formali, ut patebit legenti eum. Cui conformia sunt jam dicta à nobis, quòd virtualis contemptus inducit formalem.

§. 3.

Explicatur tertius modus transgrediendi Regulam & Constitutiones cum peccato.

25. **C**ommittitur quoque peccatum mortale vel veniale in transgressione Regulæ vel Constitutionum, quando ipsa transgressio est causa peccati, vel est scandalosa trahens alios ad peccatum, vel propinquè disponit ad peccatum, vel tales sunt transgressiones, ut notabiliter enervent, vel relaxent disciplinam & observantiam regularem.

Nam

Nam malus effectus habet malam causam. Singula illa declarabo in sequentibus probationibus.

Pro quo iterum nota: Quod in huiusmodi transgressionibus non reperiatur duplex distincta malitia, ita ut sit alia malitia transgressæ constitutionis, & alia sit malitia peccati, quod ex illa sequitur, sed eadem sit causæ & effectus. Exempli gratiâ: Qui frangendo silentium litigat cum Fratre, & dicit ei graves contumelias, sufficiet ei dicere: Dixi graves contumelias fratri. Et idem de similibus.

26. Patet 1. veritas responsionis in transgressionem silentij. Nam ubi continuò frangitur silentium, non potest esse Religio, secundum quod scribit *Apostolus Iacobus Epist. Can. cap. 1* & *Sanctus Hieronymus in Epist.* Religio Sancta non potest esse in loquacibus. Et *S. Augustinus*, qui non custodit linguam suam, Monachus non est. Et sicut ex silentio religioso omnia bona oriuntur, quæ in specie recenset *Joannes Climacus in scala*, ita ex loquacitate oriun-

tur omnia vicia, quæ refert *S. Antoninus p. 1. tit. 2. c. 4.*

Inter alia negligitur reflexio super actiones suas, & seria collectio sui ipsius, ad vitam religiosam tantoperè necessaria. Negligitur studium pietatis & devotionis. Negligitur studium Sacrae Scripturae & Theologiae, ex quo redduntur inepti confessarii in ruinam animarum, & infructuosi concionatores. De quo dicit sollemnis ille Theologus *P. Dominicus Bannez*, quod Dominicanus, qui quotidie non studet per notabile tempus, graviter peccet. Idem dicendum est de alijs Ecclesiasticis, qui habent tales functiones. Item per continuam loquelam fiunt jurgia, murmurationes, detractiones & innumera alia peccata, per quæ fiunt quotidie peiores. Similiter qui frangunt jejunia Ordinis frequenter & sine causa, fiunt magis ac magis gula, carnales, immortificati, appassio-nati, & alienati ab omni bono honesto. Et ita si ipsum examinanti per alias constitutiones, apparebunt alij defectus, & depre-
hen-

hendet post multos annos, in Religione transactos, se multò peiorem esse, quàm erat, dum Religionem intraret. De quibus verificatur illud *Thom. à Kempis*: Multi computant multos annos Religionis, sed paucos Religiosæ conversationis. Et aliud: Multi sunt veterani in Religione, sed vix Novitij in observatione. Quando igitur, & in quo, & per quas actiones tendunt huiusmodi Religiosi ad perfectionem charitatis & omnium virtutum, in quibus consistit religio, verè igitur dicunt *Hieronymus Augustinus* & alij Patres, quòd tales non sunt Religiosi, qui tamen ut Religiosi in rigore judicabuntur.

2. *Probatur.* Quia continua transgressio Regulæ & Constitutionum redundat paulatim in transgressionem votorum: Nam secundùm *S. Thomam* supra citatum, hæc ordinantur ad votorum observantiam, & sunt quasi nervi, quibus fortiter manet colligata. & subsistit vita Regularis, & illis per transgressionem sublati, enervatur & corrui Religio. Sicut in civitate, destru-

Et o antemurali & propugnaculis, facile ruit murus, intrat hostis & vincitur civitas. Ita quoque quando Religiosus circa mandata Superioris incipit inquirere, quare hoc, quare illud, quare ego, & quare non ille, &c. facile progreditur & dicit: Ego hoc facere non teneor. Tandem, ego hoc facere nolo. Similiter, Religiosus, qui contra statuta sua incipit parva incipere sine licentia, expendere, alienare, paulatim illa crescunt, & fit proprietarius. Sic etiam quando solus incipit loqui cum foeminis, deinde familiariter agere cum illis, recipere litteras & munuscula, finaliter sequitur incontinentia.

III. Probatur: Quia liberi illi Transgressores verbo & exemplo trahunt alios ad deplorandum suum vivendi modum, & sic paulatim destruuntur præclarissimæ Religiones, quæ à suis Fundatoribus in maximo sanctitatis rigore sunt institutæ, & cum magna ædificatione populi dudum floruerunt, idque cum irreparabili damno, gravissimo præjudicio honoris DEI, scanda-

lo sæcularium, & perditione infinitarum animarum, quas Religiosâ vitâ potuissent Christo lucrari.

In talibus Religiosis locum habet terribilis illa visio *Sancti Pachonii*, quam vidit de futuro statu sui Ordinis. Illam reperire licet in vitis Patrum conscriptis à *S. Hieronymo* in vita *S. Pachonii*. Et in gemitu *Columbæ Cardinalis Bellarmini*. Legant illam, & in illa reperient lumen, quo evadant periculosas suas tenebras.

30. Tandem hæc omnia probantur efficacissimè, illa præsertim, quæ habentur in Responsione octava ex Doctrina Divi *Dionysii Carthusiani de Reform. Claustri. Cap. 6.* Qui de talibus Religiosis ita scribit: *Quamvis multa contineantur in Regulis & Statutis Religiosorum, ad quæ non tenentur de necessitate præcepti, ita quòd statim peccent mortaliter, quando in aliquo fuerint negligentes, ut est observantia silentii, surgere alacriter ad Matutina, otiositates vitare, inutiliter hinc inde discurrere, atque similia; verum consuetudo excedendi, seu assiduitas de-*

linquendi in istis, & non curare, neque emendare, non potest à mortali excusari peccato, (scilicet propter contemptum saltem virtualem) propterea Religiosi deformati, in quibus parva, aut nulla, est rigoris, aut disciplina observantia; qui carnaliter aut sensualiter vivunt, & mundanis vanitatibus pleni sunt, otiositati & loquacitati vacantes, in innumerabilia prorsus incidunt vitia & peccata, non venialia tantum, sed & mortalia, imò tota illorum vita est quasi peccare continuum: præsertim quia & hæc ipsa bona, quæ agere videntur, tam negligenter, irreverenter, & tepidè, tam inordinatè, atque indebitè agunt, ut magis sit offensivum DEI, quàm honorativum, ac reconciliativum ipsius. Tales enim qui in facibus suis jugiter manent, qualiter confitentur? Qualiter celebrant? Qui se in nullo emendant, imò de multis, quæ mortalia sunt, nullam sibi conscientiam facere comprobantur. Hæc ille vir, quem Bellarminus de Script. Eccles. doctissimum ac sanctissimum vocat. In qua Doctrina (quæ nimium vera est) si benè confidetur à laxis Religiosis, videbunt tanquam

in

in speculo sordes conscientiae, & evidens periculum aeternae damnationis.

31. Quapropter hæc doctrina incutere deberet maximum timorem omnibus Religiosis, tam Superioribus, quam Inferioribus, & illos eo adigere, ut seriò recolant diem Professionis suæ, in qua spontaneâ & sincerâ mente se totos DEO consecrârunt. Promiseruntque, quòd omnibus diebus vitæ suæ usque ad mortem vivent secundùm Regulas & Constitutiones, non prout hîc, vel ibi servantur, sed prout in se sonant. Verùm è contrâ, vix emissâ professione statim prætendimus dispensationes, Privilegia, licentias generales, & exemptiones à quibusvis Regularibus observantijs, per quæ Religio irreparabiliter decidit, & redigitur ad nihilum. Quasi verò eminentissimus ille & Angelicus status totus consistat, ut maxima DEO promittamus, & ex promissis DEO nihil reddamus. Insignis perfectio! Scriptum est: *Vovete & reddite DEO vestro; displicet DEO stulta & infidelis promissio.* Et quod

gravius est, Superiores ad talia indiscretè concedenda quodammodo compellimus, socios in tale adjutorium nobis conjungimus, & bonis Superioribus, hæc & similia reformare volentibus toto conatu obstitimus, socios in perditionem trahimus, & posteris nostris viam ad infernum sternimus, idque usque ad diem judicij, quorum omnium peccata veniunt super illos, qui scandalum illud posuerunt. Quia ut ait Seraphicus Doctor: *Quicumque aliquod exemplum aliis relinquunt, sive bonum, sive malum, particeps est imitatorum suorum, sive in supplicio, sive in premio sempiterno.* Quemadmodum Dux exercitûs, qui permittit militibus devastare pagum, est omnium peccatorum reus, & restitutioni totius damni obnoxius. Vide notabilem sententiam *S. Matris Tereſiæ de Via perfect. cap. 13.*

Dignetur nobis optimus Pater præbere lumen, ut tempestivè densissimas has tenebras evadamus, ne setius deploramus cum impijs apud Sapientem: *Erravimus &*

via veritatis, & Iustitia lumen non luxit nobis, & Sol intelligentiæ non est ortus nobis. Apprehendant hæc Superiores, qui suâ negligentia, & indiscretâ Indulgentiâ horum omnium sunt principalis causa. Attendant quoque ad hæc omnia Superiores & Confessarij Monialium, ut illas frequenter admoneant de tanta obligatione Regulæ & Constitutionum, etiam minimarum.

CAPUT VII

Sequuntur aliquæ objectiones contra prædicta.

OBjiciunt I. Qui semel aut iterum frangit silentium V. G. non peccat, vel si peccet, tunc si quitur, quòd quævis transgressio Constitutionum sit peccatum, ac promde quòd numquam obligent ad solam pœnam. Vel si semel aut iterum frangere silentium non sit peccatum, ergo neque erit peccatum centies frangere, quia omnes transgressiones sunt ejusdem rationis. Similiter potest fieri argumentum de alijs Constitutionibus.

32. Ad quæ respondetur: Quòd licèt quælibet transgressio secundùm se præcisè sumpta sit ejusdem rationis cum prima & secunda transgressione, considerata tamen cum pluribus alijs, per notabilem negligentiam iteratis, prout declaravi jam suprà Responsione 8. Habent posteriores aliquid, quod non habent priores, scilicet interpretativum contemptum, ut patet ex Responsi. 8.

II. Obijciunt ad hæc: Esto foret peccatum transgredi dicto modo Constitutiones: attamen quòd hodie aliquis frangat silentium, foret solum veniale peccatum unum, vel plura. Vel quòd aliquis frangat jejunium Ordinis sine causa & licentia, est ad summum veniale peccatum, faciat similiter cras, & perinde, forent solum venialia: sed venialia multiplicata non faciunt unum mortale. Quemadmodum, si quis hodie in lectione Horarum omittat aliquot versus, similiter faciat cras & perinde, manerent solum tot venialia. Idem reperitur, si aliquis in parvo frangit jeju-
ni-

nium Ecclesiæ diversis diebus, non constituitur ex illis peccatum mortale. Ergo similiter dicendum videtur, quod multiplicatæ transgressiones Constitutionum non poterunt unquam constituere peccatum mortale.

33. Respondetur: Quod quando multi actus venialiter peccaminosi uniuntur in objecto seu materia, tunc ultimus ille actus, in quo completur notabilis materia, vel in qua vult permanere, illa voluntas est peccatum mortale, ut videre licet in parvis furtis. Ut, decies furripere unum assem, sunt tot venialia, licet semper accrescant; sed quando sic pervenitur ad decimum sextum, vel vigesimum assem, tunc velle retinere illum assem cum præcedentibus, committitur peccatum mortale. Idem contingeret, si aliquis in Jejunio Ecclesiæ eadem die sæpius sumeret parum cibi, ultima sumptio fieret mortalis, in qua completur notabilis cibus assumptus. Quando verò multi actus non sic ununtur, tunc licet sæpius iterati, manent solum

venialia, ut contingit in duobus ultimis exemplis positis in argumento.

In præfenti verò, frangere frequenter jejunia Ordinis, silentia & similes majoris momenti Constitutiones cum frivola aut nulla causa, uniuntur in hoc, quòd aliquis maneat irreligiosus, immortificatus, totus sensualis, non progrediatur in via virtutum, maneat imperfectus, & post multum temporis sapè pejor, quàm dum Religionem intraret, quæ omnia graviter militant contra obligationem, quam in professione assumptit & sequuntur alia detrimenta Religioni superius relata.

III. Objicitur contra prædicta: Ego vivo secundum Regulam & constitutiones, tametsi frequenter transgrediar, quando paratus sum ad taxatam pœnitentiam subeundam pro transgressionibus, quia Constitutiones non plus requirunt, ut patet ex prologo, ubi dicitur: quòd Regula & Constitutiones non obligant nos ad culpam, sed ad solam pœnam.

Respondetur: Quòd obligent nos ad
so.

solam poenam secluso contemptus in continua transgressione Constitutionum sine causa reperitur interpretativus contemptus, juxta dicta responsione 8.

IV. Conqueruntur, quòd in tantum multiplicentur Constitutiones & Ordinationes quòd vix possint memoriâ retineri, quemodo ergo poterunt impleri? Et onus novæ Legis, quod Christus leve & suave prædicavit, videtur in Religionibus per diversa statuta adhuc aggravari, ut tandem de jugo Religionis dici poterit, quod Apostolus *Petrus* de antiqua lege dixit: Quòd nec nos, nec Patres nostri portare potuimus.

34 Respondetur: Quòd per diversa & multiplicata statuta additur onus votis nostris, sed non est onus aggravans, sed allevians, prout *S Bernardus* dicit de lege Evangelica in ordine ad legem antiquam moralem: Additur (inquit) onus oneri, & minus onerat; & sic oneri gravissimo leges accedens quadriga Evangelii. & auxit perfectiorem, & minuit difficultatem.

Quem

Quemadmodum, si equo, qui deberet portare duodecim saccos tritici, addas currum, ita Regula & Constitutiones adjunguntur votis ad alleviandum onus eorum.

Neque etiam onus, quod addunt, est difficile: nam quando pulsatur ad Ecclesiam, æquali facilitate potest quis omnibus relictis statim ire, quàm hærere per medium quadrantulum, & seriùs venire. Et audito signo silentij æquè facillè potest statim discedere, quàm in locutorio longiorem protrahere moram. Idem est de alijs observantijs. Neque sunt ita multiplices, quin facillimè possint retineri, si quis ex amore perfectionis, quam professus est, legat & relegat subinde capitulum aut alterum: Quia sæpè legimus multa vana, & benè retinemus. Ad quod etiam hortatur Humbertus quondam Generalis Ordinis Prædicatorum, dicens: *Lectio diligens Regula & Statutorum propria professionis, necessaria est, quia (inquit) fit contra Regulam frequenter, quando non legitur Regula.*

V. Alij sunt, qui vellent observare Regulam & Constitutiones, tamen incipiunt & pergunt transgredi statuta sua cum Socijs, quia timent illos offendere, vel obloquia ipsorum, vel quia non audent publicè agere contra communem consuetudinem, ne videantur singulares, vel agere tanquam Novitij, vel habeantur tanquam scrupulosi, vel hypocritæ.

35. Rr. Si propter observantiam Regularem, ad quam obligor, incurro indignationem, & displiceo socijs meis, non est hoc curandum, teste Apostolo, dum dicit: *Si adhuc hominibus placerem, Christi servus non essem.* Nam sic displicendo hominibus magis places DEO. Consuetudo illa communis Religiosorum aliorum corruptela est Religionis, ac ideo detestanda. Et non à pluribus, sed ab honestioribus forma sumenda est, inquit S. Bonaventura in Speculo p. 1. c. 2.

Neque est mala singularitas servare communes regulas & statuta, ad quæ tota communitas obligatur. Neque est Novi-

ti-

tiorum exactè sua statuta observare, qui nondum illis obligantur, sed professorum. Imò & quantò seniores sunt professione, gradu, vel officio, tantò plus obligantur ad eorum observantiam: Quia debent bono suo exemplo ædificare juniores, monstrando, quantum profectum in via perfectionis fecerunt, & in illa progredi usque ad mortem, prout promiserunt. Nec est hypocrisis facere id, quod debeo, sed sincera fidelitas: Neque exactè observare sua statuta est scrupulosum, sed Religiosum. Et quietare conscientiam suam in hoc, quòd illorum transgressio non sit peccatum, est astuta diaboli persuasio, per quam subtiliter inducit, & suaviter illaqueat Religiosos in sensualis illa libertate, & ita paulatim destruit observantiam: quia hæc est vera radix, ex qua semper prodit ruina Religionum in sanctissimis Monasterijs, ut observatum est à pluribus sanctissimis Viris.

VI. Multi à parvis incipiunt sua facere sine licentia Superiorum, & paulatim pergunt ad majora; tandem in nullo petunt
li.

licentiam. Quia pudet illos frequenter accedere Superiores; ac eò confidentius, quia existimant, quòd Superiores nolunt continuò molestari.

36. Rr. Sed pudor ille, vel potius superbia illa, est nimis pernicioſa, quia nata eſt auferre totam promiſſam obedientiam, & Religioſos iteratò transferre ad propriam voluntatem, quòd Sacrilegum eſt: boni ſuperiores, qui cogitant, quòd de vita ſingulorum debebunt reddere rationem, libenter volunt & debent ſcire, quid ſinguli agant: quomodo aliàs de vita illorum poterunt reddere rationem Chriſto Domino ſupremo Judici? Deinde incipiunt quævis oblata recipere ſine licentia, & ita perit paupertatis votum. Tandem quærunť conversationem muliercularum, à quibus hæc recipiunt, ac ita periclitatur caſtitas, propter quæ DEUS primò ab ipſis deſertus, deſerit illos; & meritò ſubtrahit lumen ab intellectu, ut videntes hæc non videant, aufert à voluntate emollientem gratiam, & ita obdurantur, ne in horum omnium trans-

transgressionibus amplius scrupulum senti-
ant, & ipsi, sic quietè morientes, repeli-
untur in inferno.

CONCLUSIO.

PErpendant hæc frequenter & accuratè
omnes Religiosi, qui faciles sunt in
transgrediendo Regulam suam & Consti-
tutiones; considerent, (inquam) quàm
periculosum sit ita vivere, & quàm hor-
rendum sit ita mori; quid tales respondere
poterunt in hora mortis iustissimo Judici
Christo, quando exactè repetet pretiosum
illud talentum Religiosi Statûs, in quo
quotidie debebant progredi de virrute in
virtutem, tendere ad maiorem perfectio-
nem, producere quotidie fructus in lu-
crum animarum verbo & exemplo? Cùm
tamen è contra, prout clarè videbunt in
hora mortis, vitam suam esse deteriore-
m, quàm dum ex sæculo primitus ad Religio-
nem venerunt, in vinea Domini se spinas
protulisse, non uvas: dedisse se proximis
exempla pravitatis, & non charitatis. Si
servus ille Evangelicus, qui talentum suum

di-

diligenter custodierat, sit graviter reprehensus, & ligatis manibus & pedibus missus in tenebras exteriores, quia in illo negotiatus non fuerat, & lucrum non adferebat; quid fiet de nobis, qui non tantum lucrari negleximus, sed talentum ipsum irreligiousè vivendo dissipavimus? Quomodo indignationem irati Domini perferre poterimus, qui ex tam magnis promissis nihil solvimus? Quia in Religione non perfectè vivere, summa damnatio est, (inquit *S. Eusebius.*) Perpendamus igitur hæc tempestivè, antequam talentorum Dominus redeat ex longinqua profectioe, & incipiat nobiscum initiare exactam rationem: ubi tunc singula exactè computabuntur, & secundum rigorem justitiæ punientur.

Donet igitur Dominus, ut Regulam & Constitutiones exactè observemus, tanquam spiritualis pulchritudinis amatores: & ubi nos invenerimus ea, quæ scripta sunt, facientes, agamus gratias Domino bonorum omnium Largitori: ubi verò sibi quicunque nostrum viderit aliquid deesse, doleat de præterito, caveat de
fu-

futuro, orans, ut sibi debitum dimittatur, & in-
tentationem non inducatur. Ita S. P. Augusti-
nus finit sanctam suam Regulam.

Finio & ego hunc tractatulum ad ma-
jorem DEI gloriam, si subjunxero hanc
brevem regulam S. Caroli Borromæi, quam
sequendo pervenit ad apicem perfectio-
nis, quæ talis est:

A minimis incipe,

Semper progreditor,

DEUM semper ante oculos habe.

Quod nobis concedere dignetur totius
perfectiõnis Magister & Origo Christus
JESUS, qui est D E U S super omnia
benedictus Amen.



Votum - - - non tardabis reddere (ait
Scriptura Deut: 23.) quia requiret
Dominus DEUS tuus illud (nam) si mora-
tus fueris tibi reputabitur in peccatum.

Multo melius non vovere quam post votum
promissa non reddere. Displicet DEO in-
fidelis & stulta promissio Eccle 5. Ruina est
homini (ait Sacer Proverbialista Cap. 20.)
devorare (seu alii legunt devotare) San-
ctos & post vota retractare. Vovere Consi-
lii est, sed reddere necessitatis iuxta Glossam
in illa verba Psalmista: vovete & reddite
qua distinxerunt labia.

Netrans-
grediatis terminos antiquos quod posuerunt
patres tui Pro. 28. qd. Ne transgrediatis
limites morum quos Patres fixerunt, ut aliter
agere velis quam ab illis sancitum est. Corn.
a Lap. hic. Item in Cap. Prov. qui
post vota inquit rem aliquid deterio-
rem, quam pro meliori DEO vota si erroget &
substituatur &c.

Religiosus debet

respicere Regulam ut mulier vana speculum
San. Vin. Fer. de San. Fran. Seraph.
Venire quidem ad eremum summa perfectio
est, non perfecte in eremo vivere summa da.
mnatio est. SS. Eusebius & Cæsarius.
Illos gehenna devorat qui in habitu Religionis
negligenter vivunt S. O. Clunia.
Vere optimum exemplum bene vivendi reliquit
nobis omnibus I E S U S Christus, ipse Ma-
gister omnium, ipse Liber & Regula Religio-
forum. Thom. Kem. Ser. 3tio ad No-
vitos. Estote ergo vos perfecti
sicut & Pater Vester Cœlestis perfectus est.
Matt. 5. (concludit Christus)

DIS.

DISSERTATIO

De Statu religioso Præloquium.



Quatuor hoc de argumento volumina edidi, quorum primum inscribitur *Commentarius historico-apologeticus &c.* alterum: *Disciplina Apostolico-Monastica.* Adversus hanc: *Disciplinam Apostolico-Monasticam* duo prodire volumina; unum inscriptum: *Vindiciæ Regularium*; alterum hac e-graphæ insignitum; *Vita Claustralis.* Hos duos libellos revera famosos plenos erroneis Commentis, tabellis, & dictionibus contrivi, & penitus labefactavi, opere inscripto, *Defensio Decretorum Concilii Tridentini*, in duo volumina distributo, atq; jussu Sapientissimi Pontificis Benedicti XIV. edito. Ex his pauca decerpam.

CAPUT I.

Status Religiosi notio, & eiusdem obligatio aspirandi ad perfectionem evangelicam.

I. **QUÆSTIO I.** *Quid sit status Religiosus?*
 R. Est via facilius perveniendi ad perfectionem Evangelicam. A virtute Religionis quæ inter morales eminet, nomen suum fortitur sacer hic Status; idcirco Religiosus appellatur. Stabilitatem & immobilitatem secum, adfert. Ut sit talis, requirit approbationem ab Ecclesia factam, ut habetur ex Concil. Later. IV. Cap. *Nimia*. Necessaria est quoq; Professio trium votorum juxta aliquam ex Regulis approbatis à Sede Apostolica. Hinc singuli Ordines suam propriam Regulam habent, & Constitutiones, ad quarum normam statum Religiosum profitentur.

II. **QUÆSTIO II.** *Utrum Religiosi teneantur sub gravi peccato tendere ad perfectionem* 2. R. Quæstio hæc perspicua indiget explicatione. Omnes Christiani sive Laici, sive Ecclesiastici, sive sæculares, si-

ve claustrales, præcepto ligantur aspirandi ad perfectionem. Fortasse imperitis veritas hæc impervia erit. Sciant ergo oportet, perfectionem hanc de qua nunc nobis sermo est, in caritate sitam esse, ut Evang. & omnes Patres docent. Hinc S. Th. 2. 2. q. 186. a. 2. describit statum Religiosum quod sit: *disciplina quadam, seu exercitium perveniendi ad perfectionem.* Ut enim Religiosi facilius & expeditius, hanc metam attingant, tria Consilia Evangelica ad quæ revocantur cætera vovent. Hæc tria vota sunt instrumenta, & veluti currus rotæ, quæ viam sternunt ad hoc pallium assequendum. Omnia præcepta Evangelica, sunt media necessaria, consilia sunt instrumenta libera, ordinata ad præceptum caritatis Hoc præceptum est finis & meta omnium præceptorum & Consiliorum. Neq; in Consiliis igitur neq; in cæteris mandatis, sed in sola caritate sita, est perfectio Evangelica, ad quam sub præcepto aspirare omnes tum Christiani, tum viri Religiosi astringuntur. Cum Christus di-

xit: *Estote ergo vos perfecti. Sicut & Pater vester Cælestis perfectus est. Matt. 5.* Non Monachis non Claustralibus hoc intonuit, sed omne prorsus genus humanum allocutus est, cū tunc nec Monachi nec Claustrales essent.

III. Crasso ergo obvolvuntur errore Christiani qui existimantes hanc perfectionem Evangelicam quid supererogationis esse, & Consilij, virisq; duntaxat Religiosis competere, nihil conantur ad eam consequendam. Caritas hæc separat animam ab amore mundi, & eorum quæ in mundo sunt, eamq; conjungit DEO. Et quo magis anima separatur à concupiscentia carnis, à concupiscentia oculorum, à superbia vitæ, ut inquit *S. Joan Epist. 1. Cap. 2.* eo intimius DEO conjungitur. Ad hanc unionem cum DEO omnes Christiani ex præcepto astringuntur. Ergo omnes Christiani ad caritatis perfectionem tendere obligati sunt. Hoc duntaxat discrimen est, quod Christiani per solam præceptorum viam currere ad perfectionis

me-

metam tenentur. Viri autem Religiosi, ut eam ipsam metam facilius assequerentur, Consilia amplexi sunt evangelica, & eadem tribus solennibus votis servanda sibi imposuere.

IV. Christiani igitur vigiles sint oportet in servandis præceptis. quæ orationis studium, sensuum custodiam, & carnis compressionem, æquitatem, cordisq; puritatem jubent, quia hæc & cetera omnia mandata, ut dixi sunt instrumenta necessaria, perveniendi ad caritatis perfectionem, seu conjunctionem cum DEO. Et quoniam hæc conjunctio major atq; intensior in uno ac in altero est, ideo unus altero perfectior evadit.

V. Contra viri Religiosi, præter hæc præcepta servare tenentur tria vota, & propriam Regulam & Constitutiones, quas Sancti Patriarchæ, Divino afflante Numine præscripsere, tanquam media quæ adjuvant, & facilius conducunt ad præstitutam metam.

VI. Unde inquires, colligere possumus

As

mus

mus viſos ſive Chriſtianos, ſive Religioſos implere hoc præceptum aſpirandi ad perfectionem? Chriſtiani qui à vanis pompis, à Luxu, à faſtu, ab occaſione violandi præcepta Decalogi vigilanter abſtinent; qui in orationis ſtudio incumbunt; qui juſtitiam & æquitatem ſervantes, cuiq; quæ ſua ſunt tribuunt; quiq; ſibi fieri vel- lent, alijs faciunt; qui proprij ſtatus officia implent: hi ſigna perhibent, ſe per viam Evangelicæ perfectionis ambulare.

VII. Si Chriſtiani ipſi proprij ſtatus Officia, & munia regendi familiam, educandi filios, providendi domesticis neceſſaria, & cetera omnia implere debent; quanto magis propriæ Religionis munia, vota, ritus, ſtatuta Legesq; exequi tenentur viri Religioſi? Unde verò colligi poterit viros Religioſos perfectionis ſtudio operam ſincero animo impendere? Forſitan ex obſervantia ſilentij, ex orationis aſſiduitate, ex ſenſuum, carnis, & appetitionum compreſſione, ex votorum paupertatis caſtitaſis & obedientiæ executione

ne? Perfecto hæc omnia signa, satis probabilia sunt, at interdum fallacia. Hæc enim omnia hypocrisis fructus esse valent. Ut ille viam sibi paret ad regimen, ad præfecturas, ut sibi existimationem viri religiosi, & proprii instituti observatoris, comparet, exequi præfata omnia potest, & sub Sacræ Religionis pallio diaboli martyr evadere. Quanam ergo animi aspirantis ad perfectionem Christianam argumenta? Caritatis exercitia, amor erga omnes, patientia & tolerantia injuriarum, animi candor, lingvæ sinceritas, mentis docilitas, mundanarum rerum contemptio, politicorum respectuum proculcatio, pectoris evangelici fortitudo, sermones Christi, carni & sanguini hostiliter adversos, palam profitendi studium, propriæ existimationis mundanæ, neglectus. Hæc sunt indicia, quæ animum in perfectionis Christianæ studio percurrentem indicant: Siquidem reperiri media sine fine queunt. At finis consistere sine medijs nequit. Possunt itaq; cæremoniæ & observatio-

nes votorum, Constitutionum aliorumq; rituum extrinsecus apparere velle nuptiali destitutæ, & hypocrisis larva testæ. At Caritatis exercitia, quæ sunt illorum finis, sine eisdem stare non queunt.

VIII. Hinc colliges non satis proprio muneri satisfacere illos Regularium Superiores, qui in suis Capitulis continenter clamant adversus quasdam cæremoni- arum transgressionem, & vix aliud inculcant suis subditis, quàm silentij custodiam, chori frequentiam, jejuniorum & quarundam genuflexionum observantiam, Laudo hæc omnia; sed illud doleo, quòd prætermittant hortari, persuadere, & urgere ad caritatis exercitia. Accensa enim flamma, hac in Religiosorum animis, cætera omnia spontè fluunt. Caritatis quippe planta est fecundissima, fructus pariens, ad æternitatem maturos. Caritas benigna est, patiens est, non æmulatur, non agit perperam, non inflatur, omnia sustinet, omnia suffert, non quærit quæ sua sunt, sed quæ IESU Christi, non reformidat sæculi potentiam,
non

non pertimescit adversariorum calumnias sed impavido pectore verbo, & opere Christi legem & propriam. Professionis munia exacte implet. Ignis iste Cælestis semper ardet ubi adest, & flammam continenter emittit. Si arderet in Superiorum cordibus, dubio procul favillas suas immitteret in subditorum animos. Illi ergo qui neglecta caritatis prædicatione, cæremoniæ tantum observationem inculcant, ipsi se caritate impleant, ut hanc in alios transfundentes, optimos sibi subditos comparent.

IX. Caritas dulcissimo benevolentiae fædere animos conjungit, efficitque cor unum, & animam unam. In ea communitate in qua aversiones, diffidia, tanctiones contrariæ servant; in qua Superiores versutiam, vafritiem, cor duplex, linguam amphibologicam, prudentiæ larva induunt, candore, sinceritate, affabilitate pulsis, caritatis flamma certè non ardet; sed spiritus mendax & mundanus, & scientia, quam S. Jacobus diabolicam appellat do-

minatur. Si Superiores verbis laudant, factis tergiverſentur, negent, ſpondeant, illudant, velificentur, adverſentur, prout temporum rationes ferunt, inter ſubditos & ipſos Superiores; deprehenſa illorum vaſtritia; nulla ſinceritas, nullus animi candor, caritas nulla viget. Sed ècontra murmura, diſſidia, averſiones, & perpetua bella graſſantur. Superiores qui aperto animo, ſincero corde, ingenua lingua ſubditos colligunt & amplectuntur, illos ſibi devinciunt, obligantq; illo ipſo tempore, quo favores denegant, dum impertiri ſalva lege nequeunt. Verùm in ſenſitam à diverſiculo alioquin oportuno revertamur.

X. Religioſi ergo illi qui neglecto Orationis, mortificationis, pœnitentiæ, abſtinentiæ & propriæ Regulæ atq; Conſtitutionum exercitio, ea ſolum peragunt, quæ prætermittere nequeunt, qui ludis, fabulationibus otio, ſolatijs diverticulis indulgent, qui ſumpta cappa, aut pallio civitatem circumeunt, curioſa ſectantur; qui ſi menſa ad palatum non ſit inſtructa, obmur-

murmurant, Superiorum exhortationes & mandata derident, & super eisdem jocantur, fabulantur, controversantur, non Evangelicæ perfectionis, sed æternæ damnationis viam percurrunt.

XI. Ut multa in pauca contraham, omnes Christiani sive laici, sive Religiosi aspirare ad Evangelicam perfectionem vi præcepti sub mortali attingentis tenentur, sed medijs varijs, quæ omnia per unicam & arctam viam ad eandem metam ducunt. Christiani Laici sola præceptorum exacta observatione; Religiosi ad præceptorum executionem addunt trium votorum & propriarum Constitutionum observantiam. Hæc vota, hæ Constitutiones & Regulæ non sunt, inquiunt Patres, sarcinæ & pondera quæ opprimant; sed sunt alæ, quæ iter allevant, & sursum erigunt. Quamobrem status Religiosus, nuncupatur Schola facilius perveniendi ad perfectionem caritatis, ad quam omnes Christiani tendere astricti sunt. Gravius utiq; Religiosi, & scelestius peccant, hoc præce-

ceptum violantes, quam Christiani Laici. Quoniam Viri Religiosi uberiori gratiarum & donorum à DEO copia sunt instructi, facilius & commodius angustam calcare sentiam Evangelicam queunt. Idcirco isti sacri legi, ingrati atq; nequissimi DEI servi habentur, cum tot talenta à DEO accepta prodigunt, & dilapidant. Quando quidem à curis sæculi à mundi periculis quibus miseri Christiani obnoxij sunt, segregati, nihil de victu, & vestitu cogitare coacti, unice vacare DEO, & proprii instituti observantiæ facillimè queunt. Quare dupliciter vapulabunt, si nancisci perfectionem Evangelicam omittent, ne dum contentent.

XII. Disputare Theologi solent, num satis sit trium votorum observantia, neglectis alijs legibus quæ ad gravem culpam non obligant. & rursus controversantur, num continuata istarum legum transgressio istarum legum inducat contemptum, virtuale, & interpretativum? Verum paucis rem dirimo, tria vota commu-
ni-

nia sunt omnibus sacris ordinibus. Quilibet Ordo Religiosus ab altero distinguitur suis peculiaribus Statutis, Regulis, & Constitutionibus. Ergo præter tria vota omnibus communia, necessaria est proprii instituti observantia, alioquin nullus determinati Ordinis esset Religiosus ille qui tria dumtaxat vota servaret. Necessaria itaq; est propriæ Regulæ, & Constitutionum observantia, ut quis dicatur studio vacare Evangelicæ perfectioni.

XIII. Num transgressio hujus aut illius Monasticæ Constitutionis iter intercipit perfectionis Christianæ? Distingvendus est animus constans & firmus propriæ Professionis implendæ, à transgressione hujus aut illius legis ex animi subreptione, & imbecillitate proficiscente. Quotidie labimur omnes. Qui ex infirmitate aliquam legem non obligantem ad culpam, saltem gravem, violant, cespitant, & aliquomodo claudicant in via; at continuo surgunt, animumq; & vires redintegrant, ut celerius currant: at quia debiles & infir-

mi sumus, denuo claudicamus, ac simul denuo alas resumimus plus & minùs, prout magis & minus caritatis ignis ardet in corde. Illi igitur qui ob communem infirmitatem aliquam Constitutionem violant, non sunt extra perfectionis viam, dummodo animum firmum & constantem servant propriæ Professionis servandæ. Contra qui passim proprii instituti leges peculiares violant, nihil earundem transgressionibus curantes, & in eadem corruptela perseverantes, extra arctam semitam sunt, atq; latam & spatiosam perditionis viam percurrunt. Neq; illis quidquam suffragatur quod in Conventibus morentur, ubi legum observantia, saltem majori ex parte, in desuetudinem abiit, quoniam nulla corruptela contra legem præscribit. Brevi, vota & Constitutiones reciproco nexu conjuncta sunt Constitutiones sunt votorum præsidia; vota sunt propugnaculum caritatis. Caritas, vota, & Constitutiones sibi mutuas manus porrigunt. Hoc nexu graviter læso & disrupto, totum ædifici-

um

um corruat, necessum est. Qui deliberato animo proprias Constitutiones indiscriminatim violant, mentiuntur, si jactant aut votorum observantiam, aut caritatis exercitium.

XIV. Tria vota necessaria sunt ad Religiosum statum constituendum, & quidem solemni ritu emissâ in facie Ecclesiæ: status quippe iste firmitatem, & stabilitatem includit; Tria hæc vota Paupertatis, castitatis, & obedientiæ, bellum perpetuum denunciant tribus mundi malis, quæ S. Joan. Epist. 1. c. 2. describit. *Omne quod est in mundo, concupiscentia carnis est, & concupiscentia oculorum, & superbia vitæ.* De his tribus votis mox sermo recurret. Interim si plura hac de re cupis, lege S. Thomam 22. 2. 186. art. 6. & 8.

CAPUT 2dum.

De Voto Paupertatis.

1. PAupertatis Votum est primum vitæ Regularis fundamentum. Istius voti materia est abdicatio rerum temporalium

ma-

manifestata à Christo Domino Matth. 19

*Si vis perfectus esse, vade, vende, quæ habes, com-
 & da pauperibus. Alia duo Consilia virgi Apo-
 nitatis colendæ, & voluntatis abnegandæ men-
 hominisq; auctoritati subijciendæ, paucis ritat
 expressit Magister Divinus. Verum me inviti-
 thodum ipsam, qua Apostoli, primi qrum
 Christiani executioni Evangelicæ pauper dit,
 tatis consilium demandarunt, clarè & digia,
 flinētē Act. 2. describit Evangelista Lu seju
 cas. Omnes etiam qui credebant, erant pari ctio
 ter, & habebant omnia communia. Possessio auctio
 nes, & substantias vendebant, & dividebant tent
 illa omnibus, prout cuiq; opus erat Fuliū lit,
 hanc paupertatis formam exprimit c. 4. nem
 S. Evangelista. Multitudinis autem creden sunt
 tium erat cor unum, & anima una, nec qui erat
 quam eorum quæ possidebat, aliquid suum esse
 dicebat, sed erant illis omnia communia - - plu
 Neq; enim quisquam egens erat inter illos - niu
 Quoquo enim Possessores agrorum, aut do cluc
 morum erant, vendentes afferbant pretia co resp
 rum quæ vendebant, & ponebant ante pede reti
 Apostolorum. Dividebatur autem singulis prom tē
 cuiq; opus erat.*

th. 19 habes II. Hæc est illa Paupertas bonorum
 virgi Apostolico collegio præjecit ut funda-
 gandarum mentum coelestis perfectionis, quæ in ca-
 paucis ritate sita, amoris & concordiae vinculo
 in me invicem & cum DEO conjungit. Bono-
 rum enim proprietas cupiditatem accen-
 dit, & veluti civis seditiosus tumultus, jur-
 & digia, & dissidia excitat. corda, animosq;
 a Lu sejungit, atq; in contrarias abstrahit fa-
 ctiones. Communitas autem, cum omnem
 auferat proprietatem, radicem quoq; con-
 tentionum, rixarum, & dissidionum revel-
 lit, & Coelestium Bonorum communio-
 nem inducit. Connexa enim hæc duo
 sunt. Imo erat cor unum, & anima una. 2do:
 erat illis omnia communia.

III. Paupertas generatim accepta
 plures excipit gradus: quorum alter domi-
 nium, & usum cujusq; rei ceu propria ex-
 cludit; alter dominium, & usum proprium
 respuit, capacitatem tamen ad dominium
 retinet; 3tius, qui nec dominium absolu-
 tē abdicat, nec incapax dominij evadit,

sed

sed tantum nulla re tanquam propria utitur; 4tus nec dominij nec usus privationem prodit sed eam dumtaxat bonorum mensuram admittit, quæ ad vitæ sustentationem necessaria est, & cetera omnia rejicit. Ad hos quatuor gradus omnes alij reducuntur. 1mum paupertatis gradum nunc vovent Regulares. 3tium nuncupant Scholares Societatis alios duos quisq; vivere potest.

IV. Theologi plurimi hanc exhibent paupertatis monasticæ definitionem. *Votum paupertatis, est voluntaria bonorum temporalium abdicatio, per quam vovens ipsorum proprietate privatur.* alij præssius ajunt. *Est abdicatio dominij.* quæ definitiones ad Metaphysicæ amussim exactæ paupertatem generatim acceptam describunt, secus, ut executioni demandandam. Duo in hoc voto isti distinguunt primum essentiale vocant in abdicatione dominij situm. Alterum accidentale appellant, quod usum bonorum spectat. Hinc inferunt connexionem voti Paupertatis cum bonorum com-

mu-

munitate accidentalem esse, quod de paupertate generatim accepta verum habet: num id ad Paupertatem monasticam explicandam sufficiat? mox dicam.

CAPUT 3tium.

*Regulares voventes Paupertatem Evangelicam
vovent ipsam Bonorum communitatem.*

x. **T**heologi & Canonistæ omnes docent, Regulares vi præcepti Ecclesiastici graviter obligantis, Bonorum communitati astrictos esse, pulsus peculijs. quod autem hoc præceptum communitatis ipsam voti essentiam ingrediatur, vel extra divagerur, ad id quod caput disputationis est, perinde res se habet. Nam si ve Regulares violent directe votum, dum peculium necessitate sublata retinent, si ve præceptum, mortale Sacrilegium perpetrant: quare etiamsi falsum esset quod dicturus sum, non propterea aliquid emolumenti inde perciperent Regulares, cum juxta omnes & Theologos, & Canonistas, præcepto gravissimo Ecclesiastico obser-

van-

vantiæ communis vitæ astricti sint.

II. Et ut id quod dicturus sum, evidentius pateat, ob oculos habeamus necessum est, paupertatis votum generatim acceptum, & ab omni circumstantia præcisum, plures excipere gradus, quorum Capite Superiore mentio facta est: nec unum præ alio in hac acceptione prodesse, nec communitatem includere, aut reijcere alterum non minus manifestum est, quodlibet nempe votum solenne materiam certam, & præfinitam sibi vindicare. Quibus Constitutis evinco quod proposui.

III. Regulares omnes Paupertatem DEO vovent, non incertam, non ad cuiusdam Metaphysicæ definitionis amussim exactam, quam aliqui sibi effinxere; sed eam Paupertatem vovent, quæ in eorum Regulis determinata est. Hæc prima propositio ineluctabilis est Paupertas enim latitudinem, & gradus plurimos admittit, ut omnes fatentur, & reipsa constat: ergo voventis intentione determinari debet. Hæc autem determinatio fieri à singulis
Re-

Regularibus nequit, alioquin tot essent paupertatum genera, quot sunt voventes, & omnia confusa & perturbata essent. Quamobrem omnes Sacri Ordines suas Regulas habent, in quibus definita est Paupertas, quam omnes ejusdem Ordinis profiteri debent. atqui omnes Regulæ SS. Basilij, Augustini, Benedicti, Francisci, & omnium Sanctorum Patriarcharum pro materia voti Paupertatis determinant vitam communem. Ergo Regulares voventes Paupertatem vovent vitam communem nisi Propositio secunda vera sit, sponte cadere causa velim. Possem huc transcribere omnium Regularum textus, quos brevitatis studio prætereo. Satis sit in transcurso indicare in omnibus præfatis Regulis similia haberi: *Sint vobis omnia communia, ut legitis in actibus Apostolorum.*

IV. Verum quamvis hæc argumentatio falsa esset, non propterea, ut dixi, licitum peculium foret Regularibus, cum juxta omnes tum Theologos, tum Cano-

nistas gravissimo præcepto Ecclesiastico
 vitam communẽ servare teneantur cujusq;
 privati peculij expertem hinc Religiosus
 omnia sua tum præsentia, tum futura, sub
 Religionis dominio ponit, ea conditione
 & pacto ut Religio de ijs Bonis in com-
 munem omnium Religiosorum usum di-
 sponere, ut sibi expediens visum fuerit,
 quæat: & Religio vicissim eodem vinculo
 se obstringit victum, & vestitum, & o-
 mnia necessaria Religioso præstandi. Por-
 ro sicut in quolibet contractu una defici-
 ente parte in suo explendo munere, defi-
 ciat quoq; altera necesse est: ita similiter
 si Religio incongrua victus & vestitus
 provisione defit officio suo, continuo in
 Religioso Professo jus oritur naturæ,
 quemlibet antecedens contractum, victum,
 & vestitum illum quem Religio tribuere
 deberet, comparandi. Hoc est totum quod
 in favorem Religiosorum, & peculij pri-
 vati dici potest. Cæterum tam Religio,
 seu Superiores Religionum, quam Religi-
 osi gravissimo præcepto obstringuntur re-
 din.

integrare contractum, si fractum sit; vel
observare, si consistat, ut infra dicturus
sum.

CAPUT 4tum.

*Decreta Concilij Tridentini, & Constitutiones
summorum Pontificum urgent Regulares
ad exactam vitam communem, pulsas
privatis pecuniis.*

I. PRætermissis antecedentium Concilio-
rum, & Pontificum Decretis, quæ
vitam communem Regularibus præcipi-
unt, rescribam dumtaxat ea quæ Triden-
tinum præcipit *Sess. 25. c. 1.* Quoniam
non ignorat S. Synodus, quantum ex
monasterijs piè institutis, & rectè admi-
nistratis, in Ecclesia DEI splendoris,
atq; utilitatis oriatur, necessarium esse
censuit, quo faciliùs ac maturiùs, ubi
collapsa est, vetus & Regularis discipli-
na instaretur, & constantiùs, ubi con-
servata est, perseveret, PRÆCIPERE,
prout hoc Decreto PRÆCIPIT, ut o-

„ mnes Regulares, tam viri, quam Muli-
 „ eres, ad *Regulæ* quam Professi sunt præ-
 „ scriptum vitam instituant, & compo-
 „ nant: atq; imprimis, quæ ad suæ Professio-
 „ nis perfectionem, ut obedientiæ, Paupertatis,
 „ & Castitatis, ac si quæ alia sunt alicujus
 „ Regulæ & Ordinis peculiariora vota, &
 „ PRÆCEPTA ad eorum respectivè essen-
 „ tiam, NECNON AD COMMUNEM
 „ VITAM, victum, & vestitum conservan-
 „ da pertinentia, fideliter observent: O-
 „ mnisq; cura & diligentia à Superioribus
 „ adhibeatur tam in Capitulis generalibus,
 „ & provincialibus, quam in eorum visi-
 „ tationibus, quæ suis temporibus facere
 „ non prætermittant, ut ab illis non rece-
 „ datur, cum compertum sit, ab eis non
 „ posse ea, quæ ad substantiam vite Regula-
 „ ris pertinent, relaxari. Si enim illa quæ
 „ bases sunt, & fundamenta totius Regula-
 „ ris disciplinæ, ex ætè non fuerint ob-
 „ servata, totum corruat ædificium, neces-
 „ se est.

II. „ Rursus idem Concilium c. 2.
 ad-

„ addit: *Nemini igitur Regularium tam viro-*
 „ *rum, quam Mulierum liceat bona immo-*
 „ *bilis, vel mobilia, cujuscunq; qualitatis*
 „ *fuerint, etiam quovis modo ab eis ac-*
 „ *quisita tanquam propria, AUT ETI-*
 „ *AM NOMINE CONVENTUS possi-*
 „ *dere, vel TENERE; sed statim ea. Su-*
 „ *periori tradantur. Conventuiq; IN-*
 „ *CORPORENTUR. Nec DEINCEPS*
 „ *LICEAT Superioribus bona stabilia a-*
 „ *licui Regulari concedere, etiam ad u-*
 „ *sum fructum, vel USUM, ADMINI-*
 „ *STRATIONEM, aut Commendam.*
 „ *Administratio autem Bonorum Mona-*
 „ *steriorum, seu Conventuum ad solos Of-*
 „ *ficiales eorundem, ad nutum Superio-*
 „ *rum amovibiles pertineat. Mobilium ve-*
 „ *rò usum ita Superiores permittant, ut*
 „ *eorum supellex statui paupertatis quam*
 „ *professi sunt, conveniat: nihilq; super-*
 „ *flui in ea sit: nihil etiam quod sit neces-*
 „ *sarium, eis denegetur. Quot si quis a-*
 „ *liter, quidquam teneredeprehensus, aut*
 „ *convictus fuerit, is biennio activa &*
 „ *B₃ pass.*

„ passiva voce privatus sit, atq; etiam jux-
 „ ta suæ Regulæ, & Ordinis Constitutio-
 „ nes puniatur.

III. Clemens VIII. confirmavit Tri-
 dentini Decreta Constit: data Anno
 „ 1590. in qua hæc præscribuntur. imo:
 „ quo Tridentini Concl Decreta de pauper-
 „ tatis voto custodiendo fidelius observen-
 „ tur; præcipitur, ut nullus ex Fratribus,
 „ etiamsi Superior sit, Bona immobilia, vel
 „ mobilia, aut pecuniam, proventus, census,
 „ Elemosynas, sive ex Concionibus, sive ex
 „ lectionibus, aut pro Missis tam in pro-
 „ pria Ecclesia, quam ubicunq; celebran-
 „ dis, aliisve ipsorum iusto labore & cau-
 „ sa, & quocumq; nomine acquisita, eti-
 „ amsi subsidia consanguineorum, aut pi-
 „ orum largitiones, legata, aut donationes
 „ fuerint, tanquam propria, aut etiam no-
 „ mine Conventus, possidere possit; sed ea
 „ statim superiori tradantur, & incorpo-
 „ rentur: atq; cum cæteris illis bonis re-
 „ ditibus, pecunijs ac proventibus, con-
 „ fundantur, quo communis inde victus, &

„ vestitus omnibus suppeditari possit. II.
„ Neq; Superioribus, quicumq; illi sint,
„ ullo pacto liceat eisdem Fratribus, aut
„ eorum alicui bona stabilia, etiam ad u-
„ sum, fructum, vel USUM, administratio-
„ nem, aut commendam etiam DEPOSITI,
„ aut CUSTODIÆ nomine concedere.
„ III. eorum verò quæ ad necessitatem
„ concessa erunt, nullus quidquam possi-
„ deat, ut proprium, neq; ut proprio uta-
„ tur. IV. Qui in præmissorum aliquo
„ deliquerit, penas nedum à Concilio
„ Trid: præscriptas, sed alias quippe mul-
„ to graviores Superiorum arbitrio im-
„ pendas incurrat. V. NULLA quorumi-
„ cunq; Superiorum DISPENSATIO,
„ NULLA LICENTIA quantum ad bo-
„ na immobilia, vel mobilia excusare possit,
„ quo minus culpa & pænæ ab ejusdem
„ Concilii Decretis impositæ, & ipso fa-
„ cto incurrendæ obnoxij sint, ETIAM-
„ SI SUPERIORES ASSVERENT,
„ HUIUSMODI DISPENSATIONES,
„ aut LICENTIAS CONCEDERE

„ POSSET: QUIBUS EA IN RE FI-
„ DEM MINIME ADHIBERI VOLU-
„ MUS. VI. Fratrum vestitus, & supellex
„ cellarum ex communi pecunia compa-
„ retur, & omnino uniformis sit Fratrum,
„ & quorumcunq; Superiorum, Statuiq;
„ paupertatis quam professi sunt, conve-
„ niat. Nihil etiam quod alicui sit neces-
„ sarium, denegetur. VII. Quæcumq;
„ Fratrum vestes sive laneæ, sive lineæ, o-
„ mnisq; alia supellex in aliquem commo-
„ dum conventus locum deferantur: ibiq;
„ ab uno, vel duobus Fratribus huic mu-
„ neri deputatis diligenter custodiantur,
„ ut inde Superioris arbitrio, prout cuiq;
„ opus fuerit subministrari opportunè
„ possint. VIII. Omnes etiam Superiores,
„ quicumq; illi sint, eodem pane, eodem
„ vino, eodemq; obsonio, sive (ut ajunt)
„ pietantia in communi mensa prima vel
„ secunda, nisi infirmitatis causa impediti
„ fuerint, vescantur: neq; singulare ali-
„ quid, quo privatim quisq; in cibum
„ mutatur, ullo modo offerri possit. Si quis

in

„ in ea re peccaverit, nihil ea die alimen-
„ percipiat, nisi panem, & aquam. IX.
„ Superiores omnes etiam Generales, vel
„ qui redditus, aut præstationes particula-
„ res ratione officiorum habent, eorum
„ accepta, & expensa, in libro distincto
„ fideliter, & diligenter adnotari curent;
„ neq; in alios usus, quam ratione Officij
„ sui necessarios, quidquam expendant.
„ Cum vero contigerit ipsos in aliquo
„ conventu commorari, eam pecuniæ
„ quantitatem in commune conferant ex
„ qua sibi, & ijs qui cum ipsis erunt, vi-
„ ctus ad præscriptum Regulæ & Consti-
„ tutionum suppeditetur. X Nullus ex
„ Superioribus locorum administrationem
„ Bonorum, aut aliarum rerum, dispensa-
„ tionemq; pecuniarum, & reddituum sui
„ Conventus, per seipsum habere, sive e-
„ xercere possit; sed universum id onus
„ tribus Fratribus ejusdem Conventus à
„ Generali ita demandetur, ut unus re-
„ rum, & Bonorum, reddituumq; colligen-
„ dorum, ac exigendorum curam habeat;

„ alter tanquam depositarius pecunias, ac
„ cætera ab illo collecta, exactè & fideli-
„ ter asservet; aliùs de pecuniis, & rebus
„ à Depositario acceptis Priori & Fra-
„ tribus, ac Conventui universo, de neces-
„ sarijs, mandante tamen ipso Priore, non
„ secundum proprium affectum, sed juxta
„ caritatis Regulam, veluti bonus dispen-
„ sator, provideat, officiorum, hujusmodi
„ confusione penitus interdicta. XI. Cæ-
„ terum hi tres tam impensi, quam acce-
„ pti, singulis mensibus Superiori locali,
„ adhibitis etiam duobus, vel tribus Fra-
„ tribus ejusdem Conventus, probatori-
„ bus, rerumq; usu peritis, rationem red-
„ dant. Deinde ipsemet rursus præsentibus
„ Priori, & peritis prædictis, Gene-
„ rali cum advenerit. Deniq; ipse Gene-
„ ralis in quolibet proximo Capitulo Ge-
„ nerali, saltem coram tribus iudicibus ab
„ ipso Capitulo ad hoc Constitutis, illo-
„ rum omnium, universamq; suæ admini-
„ strationis tam publicæ, quam privatæ,
„ rationem reddere teneatur: cujus etiam

„ exemplum Authenticum ex actis Capi-
„ tuli describatur, ad hoc ut ad omne
„ mandatum nostrum, vel Sedis Aposto-
„ licæ transmitti possit. XII. In uno quoq;
„ Conventu, Fratrum is tantum deinceps
„ constituatur, & in posterum retineatur
„ numerus, qui vel ex redditibus illius pro-
„ prijs, vel ex communibus consuetis, vel
„ etiam singulorum eleemosynis, aliisq;
„ quibuscunq; obventionibus in commu-
„ ne, ut præferatur, conferendis commodè
„ possit sustentari. Reditus verò, & supra-
„ dicta omnia in communi loco, ac tuto
„ diligenter asserventur. XIII. Superiori-
„ bus autem, *ne Concilij Trid: aut hac no-*
„ *stra declarare, interpretari, aut relaxare*
„ *ullo modo possint, omnino interdiximus, &*
„ *prohibemus, decernentes irritum &c.* Si quis
„ autem contra præsumpserit attentare, is
„ eo ipso omni gradu, Officioq; privatus,
„ & ad ea perpetuo inhabilis existat.

IV. Urbanus VIII. Confirmavit
præfatam Clementis VIII. Constitutio-
nem, ut habetur in Bullario Romano, Tom.

4 Pag. 63. & Paulus V. Gregorius XV. Alexander VII. & Innocentius X. Confirmarunt Clementis, & Urbani Constitutiones: Istorum Pontificum testimonia prater eo ne sim longus.

V. Tandem Innocentius XII. & Trid: Decreta, & Antecessorum Pontificum Constitutiones confirmavit, atq; adversus falsa, & erronea commenta roboravit, ac omnemq; tergiversandi & cavil-landi radicem averroneavit. Decreta hæc habentur in Bullario ejusdem Pontificis Pag. 267. & seqq. Initium Decretorum hoc est. *Sanctissimus Ec. Ut regularis disciplina ad Religiosorum salutem, & totius Christiani populi adificationem utilitatemq; facta recte custodiatur, ac vigeat, ac sicubi collapsa est, adjuvante Domino, reparetur; constituit, & declaravit, se licentiam recipiendi Novitios in singulis approbatis Ordinibus benigne concessurum; dummodo tamen, quæ pro regulari vita rectè instituenda, tam à Sacrosancta SINODO TRID: quam à prædecessoribus Nostreis Romanis Pontificibus, præcipue verò*
fel:

fel: record: CLEMENTE VIII. in Decretis Generalibus pro Regularium reformatione, necnon INNOCENTIO X. & ALEXANDRO VII. pro Novitiorum receptione, & Professorum educatione, salubriter constituta sunt: quibus omnibus firmiter inhaeret Sanctitas sua, eaq; quatenus opus sit CONFIRMAT, & renovat, (salvis tamen in hac parte singulorum Ordinum Statutis, seu alijs ordinationibus, ab Apostolica sede in FORMA SPECIFICA, post eadem decreta forsitan approbatis, aut editis) exacte, & inviolate serventur.

VI. Omissa fuerat in disciplina Apostolicomonastica illa periocha (*salvis tamen in hac parte &c*) Utpote non necessaria, tum quod non exactam communitatem spectat, tum quod de approbatione in forma specifica sermo est, qua approbatione compertum est, nullas Regularium Constitutiones peculium permittentes post Clementem VIII. fuisse confirmatas. Hoc jamjam clarius patebit. Quæ sequuntur igitur causam dirimunt.

VII. Quocirca Sacra Congregatio ab eodem Sanctissimo Domino nostro, super disciplina regulari specialiter deputata - - de mandato Sanctitatis sue presentis Decreti tenore denunciat omnium & singulorum ordinum Regularium Superioribus, tam generalibus, quam Provincialibus, quocumque nomine nuncupentur, ceterisque ad quos spectat, ut in una quaque Provincia, per Italiam & Insulas adjacentes, quam primum deponent, aliquos Conventus, quos magis aptos censuerint, vel unum saltem, ibique auctoritate Apostolica statuant omnimodam observantiam Regule, & Constitutionum cujusque Ordinis, & Decretorum Apostolicorum, precipue verò EXACTE VI, TÆ COMMUNIS. Postquam verò Regularem observantiam, & signanter quoad EXACTAM VITAM COMMUNEM. CUM AFFECTU stabilitam fuisse, tam ex eorumdem Superiorum Generalium, seu Provincialium relatione, quam prepositi, & Fratrum in prefatis Conventibus degentium, JURJURANDO FIRMATO TESTIMONIO - - eidem Sacre Congregationi suffi-

sufficienter constiterit, tunc Sanctitas sua antedictam licentiam, quam hactenus distulit, Novitios ibidem recipiendi benigne concedet. - - -

Porro: ne Regularis disciplina, dum in Conventibus jam erectis statuitur, relaxetur in erigendis. Et quod una ex parte constituitur, simul ex altera destruat; Sacra Congregatio, Sanctitate sua similiter approvante, statuit, atq; decrevit, nulla impofterum Monasteria; Collegia, Domos, Conventus, aut alia Religiosorum loca fundari, erigi, aut quovis modo institui, debere, nisi sub EXPRESSA OBLIGATIONE EXACTÆ VITÆ COMMUNIS ab omnibus Religiosis ibi commorantibus perpetuò, Et inviolatè servanda, ac præterea nullas deinceps admittendas hujusmodi foundationes, nisi præter alia ad id requisita, priùs legitimè constiterit, adesse annuos redditus, vel certam eleemosynarum spem, quibus duodecim saltem Religiosi in EXACTA VITA COMMUNI commodè valeant sustentari.

VIII. Perpendat nunc, quæ sequun-

RUR

tur, qui contra me scribens ait *cute*, & de industria præteriisse supra indicatam periocham: *Salvis tamen* &c. perpendat, inquam, quæ sequuntur in Decreto Innocentiano.

IX. Non obstantibus circa præmissa OMNIA & SINGULA Constitutionibus, & Ordinationibus, Apostolicis necnon quorumcunque Ordinum STATUTIS, consuetudinibus, privilegijs, ceterisque contrarijs quibuscunque.

Ad extremum eadem Sacra Congregatio regulares omnes, cujuscunque Ordinis & instituti sint, SANCITATIS suæ verbis serio admonet, & in Domino obtestatur, ut omni mora postposita, sicut filios obedientia decet, ad Regulam quam amplexi sunt, præscriptum, vitam instituant, & componant, decretisque Apostolicis pro ÆTERNA illorum SALUTE editis, sincerè, fideliterque pareant. Nec ab eorum obedientia inanihus interpretationibus, & fallacijs aut RELAXIONUM PRÆTEXTIBUS, AD EXCUSANDAS EXCUSATIONES IN PECCATIS adduci se sinant.

nant. Sed Professionis suæ memores quæ se totos DEI manciparunt, obsequio, susceptæ Christianæ perfectionis iter, arduum quidem, sed diuinæ caritatis dulcedine aspersum abjectis terrenarum rerum curis, alacriter prosequantur.

X. Tandem ne prætextu silentij, & tolerantia Sedis Apostolicæ quipiam honestare contrariam corruptelam posset, sequens edidit idem summus Pontifex Innocentius XII. decretum insertum citato Bullario pag. 309. cujus initium est *Debitum pastoralis Officij*, in quo hæc inter alia habentur.

XI Sicut non sine gravi animi nostri molestia, accepimus, tametsi decretorum huiusmodi observantia in plerisque Religiosorum virorum Monasterijs, seu conventibus, prospere ac feliciter introducta fuerit, atque ex inde inibi uberior in dies electi Sanctorum operum frumenti messis benedicente Domino exurgat; non eosdem tamen alibi caeleste idem semen, afferat fructus, neque enim cessavit, nec adhuc cessat humani generis hostis in agro DEI super

per seminare Zizania, qua Patrisfamilias se-
mentem suffocant: hinc est quod nos propheti-
ci illius moniti memores: Clama, nè cesses,
quasi tuba exalta vocem tuam: ut constans
enixaq; voluntas nostra inceptum opus hujus-
modi peculiari studio, summaq; animi conten-
tione, prosequendi magis ac magis innotescat,
omnisq; **TRANSGRESSORIBUS VA-**
NO, FALSOQUE SILENTIJ NO-
STRI PRÆTEXTU, sese excusandi occa-
sio penitus præcidatur, motu proprio prædictam
Congregationem Cardinalium, & Prælatorum
super disciplina regulari, tenore præsentium
perpetuo approbamus, &c. - - - ipsius autem
Congregationis à nobis sic confirmata faculta-
tes ista esse debeant, - - - designandi, ac
deputandi pro Novitiis, & Professuris Con-
ventus, Monasteria, Collegia, ac domus &c.
- - - Decretum tum fel record: **CLEMEN-**
TIS Papa VIII. Prædecessoris Nostri super
Reformatione Regularium - - - **EXACTÆ**
VITÆ COMMUNIS, observantiam pro-
movendi, atq; ad hunc effectum dumtaxat no-
vas quorumcunq; Conventuum, Monasterio-

eum, Collegiorum, & domorum hujusmodi fundationes diligenter examinandi, ne ulla scilicet in posterum Religiosorum virorum loca fundari, erigi, aut quovis modo institui contingat, nisi in quibus eadem VITÆ COMMUNIS juxta ultimum d.ctorum Decretorum præscriptum perpetuo & exacte servari valeat &c.

Non obstantibus &c: quorumvis Ordinum Congregationum, Societatum, & Institutorum, alijsq; quibuscvis et in juramento firmatis, CONFIRMATIONEQUE APOSTOLICA, vel quavis firmitate alia roboratis Statutis, & consuetudinibus, privilegijs quoq; indultis, & litteris Apostolicis ejusdem Ordinis, Congregationibus, Societatibus, & Institutis, illorumq; Superioribus, & personis, ac alijs quibuscvis sub quibuscumq; verborum tenoribus, & formis, ac cum quibuscvis etiam, derogatoriis derogatorijs, alijsq; efficacioribus, efficacissimis, & insolitis clausulis irritantibus, ac alijs Decretis in genere, vel in specie, vel alijs quomodolibet in contrarium concessis, confirmatis, & innovatis &c.

XII. Tandem Innocentius XII.

Congregationem peculiarem instituit quæ juramentum exactæ communitatis servandæ præstandum à Regularibus recipiat, antequam facultatem impertiat admittendi ad Religionem. Opere pretium existimo subijcere illius formam juramenti. Est autem tenoris sequentis:

Exemplar formularij quod iurant Regulares servanda exacta communitatis.

Nos infra scripti fidem facimus, & in
VERBO VERITATIS testamur, quod in
 hoc Conven'u N. stabilita est **PERFECTA**
BONORUM COMMUNITAS & omnia
 Bona fratrum particularium, tum quoad **OMNES PECUNIAS**, tum quoad vestes &
 alia, sive sint census vitalitij, sive eleemosyna,
 ex prædicationibus, sive undequaq; provenien-
 tia, **OMNIA SINT CONFUSA**, cum
 Bonis & creditibus Conventus, & ipsis in cor-
 porata juxta Decreta Sanctæ memoriæ **CLEMENTIS VIII. & INNOCENTII XII.**
 &

Et Sacra Congregationis Disciplina, ita ut ex ipsis omnibus equaliter provideatur, tam tempore sanitatis, quàm infirmitatis. Et est stabilita Vestiaria Communis, in qua repositæ sunt omnium fratrum vestes, ac omnia quæ ad communem usum sunt: ex qua Vestiaria omnibus equaliter providetur juxta uniuscujusq; fratris indigentiam. In hoc etiam Conventu ultra Bonorum supradictorum perfectam communitatem, viget Regularis observantia secundum rigorem Constitutionum nostrarum. Et Novitj in hoc Conventu Religiosè enutriuntur, & educantur in omnibus exercitijs ad statum Religionibus nostra spectantibus, & tam de die, quàm de nocte probantur. Quare humiliter supplicant infra scripti, cum JURAMENTO, omnia supradicta affirmantes, Sacra Congregationi Disciplina regularis, pro licentia recipiendi juvenes ad habitum. Actum die
Ec. Ec. Ec.

XIII. Hoc est juramentum quod Sacra Congregationi super Disciplina Regulari exhibent Regularium Superiores quoto biennio, aut triennio, ut facultatem

re-

recipiendi Juvenes ad habitum Religionis ab eadem Sacra Congregatione obtineant. Hypothesim formemus, in qua Romana Sedes possit, & velit præcipere vitam communem, omni privato peculio vacuam. In hac hypotheli possetne clarioribus verbis, luculentioribus, & urgentioribus clausulis uti præjis, quas adhibuit in rescriptis decretis? Quo ergo se recipient oppositum opinantes? Invenire ne possunt ipsi aut expressiones luculentiores, aut formulas efficaciores, præcipiendi aut exactæ communitatis observantiam? Negabunt ne Romanæ Ecclesiæ potestatem præcipiendi perfectam rerum communitatem? Nulla hic ad effugium rima patet.

CAPUT V.

*Communitate sublata, nec votum obedientiæ,
nec Regularis disciplina observantia
consistere diu valent.*

Violatio paupertatis: est scopulus ad quem facillimè impingunt viri claustra.

strales. Hinc tam antiquæ, quàm posteri-
ores Religiones passæ sunt plus & minus
relaxationem. Nihilominus Sacrorum Or-
dinum Institutores non modo hanc pau-
pertatem exacta vita communi circum-
scriptam non mitigarunt, sed fortioribus
præsidij munierunt. Ordines Mendican-
tes videntes collapsam disciplinam mona-
sticam ob redundantes divitias, rejece-
runt divitias, & redditus etiam in communi
possidendos, & mendicato vivere statue-
runt. His succedere Clerici Regulares,
qui collapsam Mendicantium disciplinam
spectantes, ne huic vicissitudini obnoxij
& ipsi essent, paupertatem adeò severam
præscribere, ut alij nec pro Missarum ce-
lebratione oblationes recipere, alij nec
petere eleemosynas statuerint. Cur hoc?
Paupertatis Consilium liberum est. Divi-
tias possidere nihil absolutè mali præfert.
Sacrorum Ordinum Patriarchæ tot sæcu-
lorum experimento didicere istius vitæ
communis observantiam difficillimam es-
se, & facillimè à voventibus violari. Illo-
rum

rum caritatis erat, hanc temperare paupertatem, peculia, & census vitalitios permittere, ut hac via occasiones peccandi à subditis suis removerent. Quando enim lex de re libera & innoxia, difficilè à subditis servatur, sapientis legislatoris est, aut eandem tollere, aut eam temperare, & communi usui accommodare.

II. Contra, Omnes ad unum Patriarchæ non modo paupertatis legem non relaxarunt, sed severius eam roborarunt, & novis præfidijs munierunt. Cur nemo SS. Patriarcharum peculia, & redditus privatis Religiosis concesserunt? Cur illa severissimè prohibuere omnes nullo excepto? opponant mihi vel unum Patriarcham qui peculia, & redditus privatos concesserit; & fasces illis submittere, atq; victoriam canere volo.

III. Quid ergo causa est, cur omnes Sancti Patriarchæ huc conspirarunt, ut unanimi consensu, hoc paupertatis, votum restringerent, arctarent, atq; omni excogitabili modo firmarent? Quia sublata

com-

pau- communis vitæ paupertate, concidat exa-
per- ctæ obedientiæ votum, & disciplinæ re-
ndi à gularis observantia necesse est. Siquidem
enim Professio vitæ Regularis ad paupertatem
sub- quod attinet, contractus mutuus est, ut in-
t, aut dicavi, vi cujus subditi omnia bona &
e, & præsentia, & futura, solenni ritu Religio-
ni cedunt; Religio vicissim eodem Sacro
Patri- vinculo se astringit alendi, vestiendiq;
non subditos tum sanos, tum infirmos. Si Re-
gunt, ligionum Prælati oppignoratam fidem
nemo non solvunt, subditis omnia necessaria mi-
s pri- nistrantes, necessario consequitur, subdi-
lla se- tos obedientiæ vinculo solutos esse, quan-
exce- tum ad comparanda ea quæ pro victu &
triar- vestitu necessaria sunt. Ergo sublata com-
s con- munitate; obedientiæ votum, atq; adeo i-
q; vi- pfa disciplina Regularis corrui.

IV. Industriæ, labores, media quæ
cur o- subditi adhibent ut peculium acquirant,
arunt, sæpissimè Religioni non congruunt. Si
s, vo- Prælati impedire ea pertentant, subditi jus
omni naturæ opponunt sibi prospiciendi in vi-
ublatæ ctu & vestitu à Prælati non collato.

Quant-

Quandoquidem in claustris, à quibus exul-
lat perfecta communitas, pro vestibus ali-
qua summa traditur, alibi major, alibi mi-
nor, quæ pro integro non sufficit. Cella-
rum supellex integra saltem non datur;
Pro itineribus, pro epistolis aut parum,
aut nihil. Pro infirmitate curanda quæ-
dam, ut in hospitali, porriguntur; & qui
non habent unde sibi subveniant, miserrime
langvent. Qui verò abundant, absque
infirmis fratribus quidquam tribuant. Hinc
alii in penuria summa decedunt, alij mori-
entes plurimam pecuniam relinquunt.
Quibus auxilijs compararunt ingentia pe-
culia?

V. Fac Prælatos prohibere suboliti-
ineptis ne conciones habeant, quia ea mo-
rum probitate non sunt præcliti, quæ re-
quiritur ut extra claustra Christianis ex-
templo sint, ne Monialium Confessione
audiant, ne se negotijs terrenis immisce-
ant, ne patrocinia ambiant, ne vagentur
per Civitates; continuo in clamant subdi-
ti; si hæc lucra amittimus, quis nobis veras,

ste

exu- ftes, quis epistolarum, itinerum, infirmi-
 us ali- tatum, expensas solvet? Quis *chocolate*,
 oi mi- quis *tabaccum*, quis tot alia aut necessaria,
 Cella- aut congrua porriget? Census vitalitij aut
 datur; exigui, aut nulli sunt &c: communi patri-
 arum, monio nobis non providetur: ergo naturæ
 quæ jure, quod omne votum antecedit, hæc
 & qui nobis comparare justè possumus. Quid
 isferri hinc? Literarum rudes, morum integra-
 abfit te, vel prudentia destituti è claustris exe-
 Hinc unt, concionantur imperiti, Confessiones
 mori audiunt indocti, negotia tractant inepti.
 quunt Illi favores & patrocinia aucupantur; isti
 ia pe præfecturas & officia ambiunt. Si Præla-
 ti intercidere velint, subditi opponunt,
 ut dixi, jus naturæ.

VI Mala, scandala, disciplinæ rela-
 xatio, & alia absurda, quæ hinc profici-
 nis e scuntur, nolo meis verbis exprimere. Di-
 tione onysius Carthusius de Refor: Claustr: C.
 misce 16. hæc scribit: *Ex peculio tanquam ex ve-*
 gentu *neosa radice multa peccata proveniunt, ut-*
 subdi *puta contumacia, superbia, contentio, partiali-*
 tis veras, *avaritia, vanagloria, invidia, mendacium*

luxuria. Quoniam abundantes in peculio ad resistendum suis Superioribus fiunt audaces, nec disciplinam, & correptionem patienter suscipiunt, partialitates efficiunt, & interdum commensationibus, & ebrietatibus vacant, ex quibus ad vitia carnis labuntur, & votum suum de Castitate servanda sceleratissime frangunt. Quid si nos hac scribendi libertate uteremur? Similia, & graviora absurda ex peculio manantia describunt Trithemius, Nyder, S. Antonius, Cajetanus, & communiter Theologi. En rationum momenta cur SS. Patriarchæ etiam ultimæ ætatis pecculio bellum indixere. Alias austeritates, ut jejunia, vestitum asperum, & plura alia pænitiæ exercitia aut liniunt, aut sustulerunt. Communitatem verò bonorum, licet agnovissent fuisse lapidem offensionis ad quem plures impegerunt, non modo non liniere sed, ut dixi, severius illam præceperunt: quia hac exalta bonorum communitate sublata, corrumpitur et universa disciplina monastica oportet.

CAPUT VI.

*Quam hostiliter pugnent cum voto paupertatis
monastica census vitalitij. Excusationes
& sophismata quibus incrustari
periculorum corruptela solet.*

I. **D**ivitiæ & paupertas evangelica non
minus opponuntur quam castitas, &
luxuria. Quare Christus dixit: *Si vis per-
fectus esse, vade, vende quæ habes & da pau-
peribus.* Vendere, & retinere non ne in-
vicem hostiliter pugnant? nonne hæc duo:
vendere omnia, ut omnes Patres interpre-
tantur, & ipsum Evangelium clarè & per-
spicuè edisserit: & retinere aliqua, Chy-
mæram monstrosam constituunt? & tamen
Chymæra hæc familiaris est. Antequam
professionem juvenes edant, census vita-
litios sibi reservant ditiores, aut minores,
prout domesticum patrimonium permittit.

II. Reponunt: se reservare hos re-
ditus non sibi, sed Religioni. Religio e-
nim absolutum dominium horum edituum

habet; Religiosi verò purum merumq; usum facti ex licentia, & facultate Superiorum. Dominium autem, non merus usus facti cum paupertatis, voto pugnat. Rectè & venustè. Quid appetitiones nostras explet, & saturat, dominium, an usus? Dominium absolutè sterile est. & unicè appetitur propter usum. Si separet ab usu dominium, hoc futile, & vanum evadit. Ego facillime tibi perfectissimum dominium concederem, dummodo usum pecuniarum semper Religio haberet? Quid tibi dominium hoc in casu prodesset? si maritus dominium, alter usum haberet uxoris, isne castitatem servaret? Maritus cum suo dominio continens esset & castus, alter cum suo solo usu facti venerem expleret.

III. Insistunt: Superior ad nutum revocare hunc usum valet. Peregre gie. At nunquam revocat, ut experientia constat. Si revocare ad nutum Superiores peculij privati usum valent, cur reipsa non revocant? Cur communitatem exactam non invehant? Cur Regulis, & tot Concilio-

rum, & Summorum Pontificum decretis non parent? Responsum pressum & perspicuum exhibito.

CAPUT VII.

De ludis Regularium, & alijs qua cum voto paupertatis pugnant.

I. **Q**UÆSITUM I. *Licet ne sunt Regularibus ludi alearum & sortis?* RESP: Ludis, qui in jocosio sermone, factisq; ludicris sistunt, ut qui corpus exercent, quiq; ad spiritum exhilarandum, viresq; instaurandas directi sunt, indulgere Religiosos posse, omnes cum S. Thoma 2. 2. q. 168. a. 2. Concedunt.

II. Contra Theologi, & Regulæ omnes à Sede Apostolica approbatæ ludos alearum severissimè Religiosis voto paupertatis devinctis prohibent. Nomine *aleæ* omnes ludi fortuiti intelliguntur. Quid quod ludi isti ipsis Christianis omnibus vetiti sunt; imò omnes ethnici Philosophi ludos ejusmodi execrati sunt ut Tom. 7. Theologiæ Christianæ palam feci.

Constitutiones O. P. ad carceris pœnam damnant Fratres, qui *inveni fuerint ad taxillos luisse*, non secus ac reos carnis, furtiq; . Ludus fortuitus solius avaritiæ, & desiderij ditescendi fructus est. Quid magis evangelicæ paupertati adversum, quam desiderium hoc divitias augendi.

III. QUÆSITUM II. *An paupertatis voto repugnet, quod Regulares habeant instrumenta argentea, ut cochlearia, cultrum, furniculam, arculam pro tabacco, horologia, idq; genus similia?* RESP: Hæc omnia Solenni paupertatis voto opponuntur, statumq; disciplinæ monasticæ evertunt. Paupertas enim & auri, argentiq; pretiositas directe pugnant. Comperta hæc sunt natura sua. Omnes Regulæ monasticæ usum auri argentiq; in ejusmodi instrumentis prohibent. Constit: O. P. dist: I. C. 10. hæc præscribunt. Nullus Frater aut Soror Ordinis Nostri, cujuscunq; gradus (NB.) aut conditionis, existat, uti debet cochlearibus, & instrumentis aureis vel argenteis, aut etiam ex lapidibus pretiosis, sive in mensa, sive in cin-

singulis, sive in cappis, cultris, vel eorum vaginae, sive in quocumq; alio genere rerum utensilium. Qui autem transgressores reperti fuerint, iisdem instrumentis omnino priventur; & illa communitati applicentur, & GRAVITER præterea transgressores puniantur. Gravis punitio gravem culpam supponit. Nec opponas, Constitutiones illas ad culpam non obligare. Utiq; ad culpam non obligant quæ extra vota sunt. At rescripta Constitutio votum paupertatis exponit. Votum autem illud ad culpam, & quidem gravem astringit. Usus ergo adeo communem damnare audes? Non ego, sed disciplina Regularis, sed vota, quæ distinxerunt labia tua DEO, præfata omnia detestantur. At Religiosi docti, & probi, his utuntur instrumentis? Quid inde? isti gravius peccant, quia sua doctrina & probitate gravius scandalum Cæteris pusillis ingerunt.

CAPUT VIII.

*Quàm gravis sit Prælatorum obligatio invē-
henda communitalis. Quid agere debeant
Regulares degentes in Claustris, ubi
pulsa vita communi peculia ser-
punt. Et an iuvenes suscipere
habitum Religiosum in his
locis licitè queant?*

1. *QUÆSITUM I. Sunt ne in continuo sta-
tu peccati mortalis Superiores Regula-
rium, qui sincero animo, & totis viribus non
conantur instaurare vitam communem, ubi col-
lapsa est? RESP: Affirmant omnes Patres,
omnes Regulæ Monachales, Concilia o-
mnia, & tandem ex adductis Constitutio-
nibus pontificiis id luculentissimum est.
Si ratiociniis meis, quantumvis validissi-
mis id confirmarem, rigorismi, & infama-
toris censuram non declinarem. Quare in
medium adducam quæ non modo viri
Sancti, sed alij non tantæ existimationis
Theologi docent.*

II.

II. Divus Antoninus (3. p. tit 16.

Cap. 1.) Satis credo quod qui se reperiunt in Monasterijs, ubi non vivitur in communi, si Pralati sunt, & non faciunt quantum est eis possibile sine notabili scandalo ut vivatur in communi, eos non esse in statu tuto.

III. Joannes Excuria (in trac: de refor: p. 3. a. 2.) omnes Pralati tam majores, quàm minores, singuli videlicet respectivè pro sui dignitate, officio, commissione, aut facultate, de debito justitiæ tenentur subditos suos Religiosos deformatè viventes, ad vitam Regularis observantiam reformare. De ipsorum enim manibus sanguis subditorum requiritur.

IV. Sylvester (verb. Relig. 6. § 7.)

Si Pralatus non facit quantum potest sine magno scandalo, ut vivatur in communi, non est in tuto statu arg. dist. 82.)

V. Ludovicus Lopez de Texeda

(lib. 2. trat. 2. Cont. 7. dub. 2. n. 24.) addo, Religionum Pralatos ex meritis Officij teneri debitam adhibere diligentiam ut Religiosi subditi vitam transigant in communi, & i-

deo tenentur valde esse solliciti de necessarijs illis conferendis, pro victu, & vestitu. Quare si illa non tribuant, cum commodè possint, peccant mortaliter, & sunt indigni Prælatorum officio, & debent deponi: quia tribuunt ansam Religiosis ut peculia quarant, & votum laudabile paupertatis infringant.

VI. Thomas Sanchez (in Dec. lib. 7. C. 19. n. 27.) Tertio deducitur, non esse in bono statu Prælatum, qui in quantum potest absq; gravi scandalo, non nititur Religiosos vivere in communi, ac superfluos usus vitare.

VII. Valentia (2. 2. disp. 2. q. 4. a. 4.) Quarto sequitur esse in malo statu, tam Prælatos, quàm subditos, qui non agunt vitam communem, quando ex redditibus communibus possunt sufficienter vivere.

VIII. Franciscus Pellizarius (trac. de Monial. c. 4. Sect. q. 4.) Colligitur ex Sanchez asserente cum S. Antonino & Sylvestro, quod sicut Prælatus Regularium non est in bono statu, si quantum potest absq; gravi scandalo, non nititur, in communi Religiosos vivere; ac superfluos usus vitare; sic nec sunt

in bono statu subditi resistentes, non quod nequeant sufficienter vivere, sed quod velint abundare, & liberius disponere. Hoc enim adversatur voto Paupertatis.

IX. Joannes Baptista Lezana (quæst: Reg. Cap. 18. n. 14.) Prælati qui inquantum possunt, non curant suos subditos vivere vita communi a'sq; peculio, aut proprio, & superfluos usus vitare, non sunt in bono statu conscientie Ratio est: quia votum paupertatis id requirit, summiq; Pontifices, & Concilia id præcipiunt.

X. Gabriel à S. Vincentio (de Just: & Jur. disp. 3. q. 10 n. 132.) Superior peccat graviter non providendo subditis de necessarijs, tum quia præbet occasionem relaxationis Religionis dando occasionem introducendi peculium, tum quia privat subditos jure quod habet ad bona Monasterij.

XI. Thomas à IESU (specul. Relig. par. 4. Cap. 2.) Concludo Prælatum mortaliter peccare, qui non curat, ut communis vitæ ratio in monasterijs servetur. Idem esto judicium de eo, qui communem vitam jam la-

statam, quantum in se est, ad pristinam observantiam non conatur reducere, quin etiam ipsi subditi, qui Prælati vitam communem restaurare volentibus contradicunt, eadem culpa mulcentur. Primò: contrariantur ipsò factò Decretis Conciliorum, & Pontificum, à quibus hujus vite observantia districtè præcipitur. Secundo: quia ubi vita communis non observatur; Monachi variis animæ periculis circa transgressionem voti paupertatis exponuntur. Tertio: quia communis vite observantiam Prælati reformare negligentes contraveniunt justitiæ legali, quia ex officio tenentur bono communi consulere. Insuper dispensatione sibi commissa abutuntur, & peccant contra fidelitatem, & sæpe contra justitiā distributivā.

XII. Servatius Lainvelz gravissimus unaq; piissimus auctor in sua optica Regulari: (spec. 12.) Certum mihi est, esse in continuo peccato mortali eos Prælatos, qui quantum possunt, sua Monasteria non reformant, quia ad vitam communem Religiosos suos, quantum possunt, non reducant.

XIII. QUÆST. II. An subditi Regula-

lares resistentes introductioni vite communis, pulsus peculits, sint in statu peccati mortalis?

RESP: Ex ijs quæ dicta sunt, patet evidenter resolutio, propositæ quæstionis. Nihilominus in maiorem confirmationem, quæ docent & citati, & alij auctores, subiiciam.

XIV. D. Antoninus (3. p. tit. 16. c. 1.) si subditi sunt, & resistunt huic bono dum attentatur, non quia non possunt vivere sufficienter, sed quia volunt abundare, & de suis suo modo facere, videntur esse in malo statu, cum seculariter vivant, & velint in malo statu perseverare.

XV. Cardinalis de Turre Cremata in Regulam D. Benedicti (Tract. 94.) Gravissimè peccant, qui reformationi huiusmodi abusuum temerè resistunt in Monasterijs, & se, & alios defendunt, ne ab huiusmodi labe purgentur.

XVI. Sylvester (v. Rel. 6. §. 7.) subditi verò dicta communitati resistentes, non quia non possunt sufficienter vivere, sed quia volunt abundare, videntur esse in malo statu.

XVII.

XVII. Thomas Sanchez (lib. 7.

Cap. 22 n. 27.) *Similiter peccant mortaliter subditi dantes peculij causam, resistendo vitæ communi, cum illis necessaria ministrantur, & similiter graviter murmurando, & magis querelas fundendo.*

XVIII. Lezana (quæst. regul. Cap. 6. n. 60.) *Addendum tamen est, & valde notandum, Religiosos paratos esse debere ad recipiendam reformationem, & introductionem vitæ communis, si à Prælati denovo institueretur, seu restauretur, nec posse ullò modò resistere sub gravissimo peccato mortali. Ratio est: quia cum vitæ communis obliget sub peccato mortali omnes. Religiosos, ab illa excusari non possunt, nisi quia Prælati Monasteriorum non provident illis de necessarijs ad victum unde constando prædictis necessitatibus, sufficienter providendum fore, nulla remanebit ratio excusationis. Et hæc est communis ratio Theologo?*

XIX. Thomas à IESU (Specul. Relig. p. 4. C. 2.) *Graviter peccare dixi, quia nolunt reformationi vitæ communis acquiescere,*

re, nempe propter grave damnum emergens ex eorum contradictione.

XX. Franciscus Lopez (lib. 2. tract. 2. contr. 7. dub. 7. n. 24.) Religiosi autem tenentur ex merito suæ Professionis & status de communi vivere, & contenti esse his, quæ à communi ministrantur.

XXI. Angelus Pirachius Castelli (tr. 4. de voto pauper C. 4. n. 5) Subditi resistentes vitæ communi, peccant mortaliter.

XXII. Aheterra (Orig. Monast. lib. 1. C. 15.) Monachi compelli possunt ad reformationem juxta præscriptum Regulae quem professi sunt. Nec tueri se possunt in observantia longi temporis, quia contra ea quæ sunt de substantia vitæ regularis, nulla est præscriptio temporis, neque dispensatio.

XXIII. Emanuel Rodericus (Tom. 2. q. 53. art. 3.) ubi relato Tridentini decreto) §. 25. Cap. 2. (hæc infert. Ex qua decretali colliges, quod Religiosi debent, & tenentur reformare seipsos ad præscriptum Regulae quam professi sunt. & art. 4. Peccant
Su-

Superiores negligentes instruere, seu reformare, & magis contravenientes reformare volentibus, & etiam singulares impediētes ea, quæ contraveniunt menti, & verbis Concilij, quod est peccatum.

XXIV. Caramuel in Reg. D. Benedicti n. 630. Qui vota emisit in Monasterio irregulari, hoc est; ubi contra Regulam abusus irrepserunt, tenetur reformationi subjacere, & obedire Antistiti abusus illegitimos eliminanti. Sic loquitur Caramael, & in hac controversia adeò sibi constat, ut in Theolog. Regul. n. 631. hæc scribat. *Quam periculosè se fahant, qui existimant ex vi voti non teneri ad vitam communem, eò quòd tempore sua Professionis non servabatur in Monasterio.*

XXV. Ultimi loco adduco Capitulum Ordinis Præmonstratensis, sub doctissimo Joanne de Paigè celebratum, quodve insertum habetur in Bibliotheca Præmonstratensi (lib. 5. pag. 1019.) Reverendus Dominus Abbas Religiosos suos ad vitam communem reducat, revocetq; - - - &

ne quis sibi in hoc blandiatur, & Superiorum obtrudat licentiam, audiat Jnnoc. III. in Cap. cum ad Monasterium: Nec existimet Abbas, quod super habenda proprietate possit cum aliquo Monacho dispensare - - - & Concilium Trid: Sess: 25. in Decreto de Regularibus &c. Quo fit ut sint in malo statu, labanturq; turpiter tam Prælati, quàm subditi Religiosi, per quos stat, quo minus omnes in Monasterio vitam communem ducant. Quid plura? Vix vel unicum alicujus nominis Theologum reperire licet, qui oppositum doceret.

XXVI. Ex his omnibus hoc pacto concludo. Juxta commune Theologorum placitum; Prælati Regularium sub gravissimo peccato mortali tenentur pro viribus vitam communem peculio vacuam invehere. Hæc prima propositio certissima est. Secunda. Omnes subditi ex lege ad peccatum mortale obligante tenentur animo parati esse ad vitam communem peculij expertem suscipiendam, ut communiter omnes vel benigniores docent. Ergo alterutrum necessario consequitur. Aut

Præ-

Prælati in extremo damnationis periculo versantur, propter ea, quod præceptum gravissimum introducendæ vitæ communis pro viribus implere non conantur; aut subditi sunt veri proprietarij, quod Prælati suis invehere bonorum communitem satagentibus resistunt, vel contumacem obstitendi voluntatem produnt, ob cuius repugnantia scandalum vitandum, Prælati ab implendo officio suo desistunt. Nullus hic tergiversandi locus superest, Si plura cupis lege *Discipl. Apost. Monast. Diff.*

3. c. 4.

XXVII. QUÆSTIO III. *Quomodo se gerere debeant Regulares, qui in ijs Conventibus commorantur, ubi sublata vita communi, peculiorum pestis serpit, ut propria consulant saluti?* RESP. Rationem propriæ conscientia dirigendæ & peculij habendi vix ego designare valeo. Rescribam quæ celeberrimus Joannes de Turra Cremata Card. in commentarijs in Reg. S. Bened. Cap. 94. docet his verbis.

XXVIII. *Gravissimè peccant, qui re-*
for-

formationi hujusmodi abusu temere resistunt, & se, & alios defendunt, ne à tali labe purgentur. Ratio est: Quia isti sunt formaliter contemnentes remedia suae salutis. & tale peccatum est in Spiritum Sanctum. Unde illi qui vivunt in Monasterijs deformatis; quintuplicis sunt generis. Quidam enim dolenti & amaro sunt animo, quod non vivunt in observantia, ex animo tamen aspirant ad reformationem. Alij sunt, qui nolunt aliter vivere, & sic ut sunt malunt manere, nollent tamen Superioribus resistere, si vellent reformare. Tertij sunt, qui positive sic vivere sub deformatione volunt, ut omni reformationi pertinaciter resistant. Quarti inveniuntur neutrales, in omnem partem incurij de modo vel sic, vel aliter vivendi. Quinti sunt, qui apparent bonae voluntatis, & se reformare intendunt; sed aut quadam animi fragilitate, aut quia nullum modum consentaneum reformationis sibi intendunt, differunt, & semper inducias captant.

Inter hos omnes Religiosos secundi & tertij generis, qui deliberate reformari nolunt,

si-

sive resistent, sive non, si sic usq; ad finem persistant, in statu sunt damnationis. De quarti generis Religiosis dicitur, quod sunt sub periculo salutis, eo quod in Schola Religionis, non proficiunt, nec ad perfectionem tendunt pro sui status exigentia, & incurri sunt sua salutis. De quinti generis Religiosis, apparet periculum sua salutis, propter tepiditatem affectus, & quia discrimini se exponunt, & pullos scandalizant.

Religiosi primi generis, qui vivunt in locis deformatis, ubi Regula non servatur, cum proposito se reformandi, si valerent, ut securius vivant, & tutius salutis sua consulant, hac omnia facere tenentur.

1. Laborare pro alio Conventu, ubi regulariter vivere possint, & illuc se transferre, nisi forsitan spem haberent. Satis certam proprii loci reformandi ex eorum presentia.

2. Si locum reformatam habere non poterunt ut aliqua digna causa eum omiserint super hoc doleant, & pro reformatione inducenda, semper quod in se est, faciant.

3. Non seculariter vivant; Bona conce-

cessa nonnisi cum licentia Superioris, & in usum necessarium disponant, cum proposito semper resignandi ad placitum Superioris, imò omne superfluum illi dando, aut potius ab aliorum provisionem sine usu pecuniaris recipiendo.

XXIX. Quisq; astringitur declinare occasionem proximam violandi proprium votum; Quando autem occasio est necessaria, tunc adhibenda sunt remedia opportuna, ad evitandam legis transgressionem; Plurimis occasio habendi peculij necessaria est, cum isti remove illam nequeant. Hi ergo, ut sibi consulant, regulam propriam in victu & vestitu, abstinentioniam, jejunia, & vestium asperitatem servant. Tantum peculij illis licitum est, quantum requiritur pro ijs rebus comparandis, quas Religio subministraret, si in ea exacta vigeret communitas. Quod superest, Religioni tradant cum cæteris bonis Cænobij confundendum.

XXX. QUÆSTIO IV. *Licetum ac est juvenibus suscipere habitum Religionis, &*

pro-

profiteri in ijs Claustris, ubi non servatur
communitas rerum, & alia præcipua Regula?

RESP: Negant communiter, omnes gra-
viores Theologi, S. Antoninus 3. p. tit.
16. C. 2. inquit: Et ubi quis ex ignorantia,
vel errore intenderet illam (Religionem) in-
gredi, in qua non bene vivitur, crudelitas
esset non reddere illum cautum, & à proposito
suo revocare. Ut istius crudelitatis crimen
declinarem, monere hac de re lectores
volui.

XXXI. Cardinalis Cajetanus, 22.

q. 189 a 9. hæc scribit: actus iste qui est. *Instru-*
inducere ad vitam Conventualem, est actus ex *ligio-*
genere suo malus, quoniam inducitur quis ad *scipli-*
vitam reprehensibilem; Omnis autem vita re-
prehensibilis mala est. - - - Unde vitupera- *Cap.*
bile est, non solum inducere, sed etiam ingre- *steriu-*
di; & recipere ad vitam irregularem Perso- *mana-*
nas, utriusq; sexus, quamvis hoc toleret per-
missio. Verùm Ecclesia post obitum Ca- *tra. s.*
jetani nullum non movit lapidem, ut im- *at sol-*
pediret receptionem juvenum, ubi exacta *potes-*
vita communis, & observantia Regularis *plina*
non

non vigent, ut ex Clemente VIII. & Innocentio XII. supra vidimus. Cajetani sententiam confirmat, in 2. p. lib. 3. de Reg. can. Cum virum num. 48. Prosper Fagnanus. Martinus Navarrus. p. 2. Decret. C. 12. n. 45. citata Cajetani doctrina, concludit. Qui alteri suadet ingredi Religionem adeò laxatam, qualem modo dicemus, & ubi Regula perperam observatur, peccat. Graviora docent Nazarius, Nyder, & cæteri communiter.

22. XXXII. Ludovicus Lopez in suo Instr. Conf. C. 43. docet: Inducere ad Religionem, vel ingredi ad eam, ubi male ob disciplinam Regularem vivitur, peccatum esse.

XXXIII. Sanchez lib. 4. in Decal. Cap. 16. n. 14. inquit. Illicitum est Monasterium illud ita collapsum, nec proximè reformandum ingredi quamvis ab Ecclesia toleretur.

XXXIV. Paulus Layman Lib. 4. tra. 5. C. 6. n. 5. scribit: Qui religionem absolute vovit, is non tenetur, imò neq. licite potest ingredi ordinem, cujus regularis disciplina collapsa est, ejusq. Professi pleriq. male

vivunt, ut ne substantialia quidem vota observent. Ideoq; ingredienti perversionis periculum immineat, ut docent Cajetanus Major, Navarrus, Valentia, Rodriquet, Sanchez, Lessius.

XXXV. Leander hæc trac. 1. de jur. quest. 14. & 15. docet: An prædictus vivens, ingrediens Religionem quoad substantialia collapsam, non solum non satisfaciat voto, verum etiam mortaliter peccet? Respondeo dicendum, quod non solum non satisfaceret voto, sed quod denuo peccaret mortaliter, ob perversionis periculum.

XXXVI. Salmanticenses trac. 15. cap. 2. pun. 1. n. 1. hæc inquirunt; Caterum pro comperto habemus, non satisfacere (voto ingrediendæ Religionis) ingrediendo Religionem relaxatam, & quoad principales obligationes collapsam, nisi fortè spes subsit proximæ reformationis. Quia talis Religio non mæretur nomen Religionis, nec ad perfectionem conducit, sed ad perditionem; nec in eam ingrediendo pericula fugerentur, sed majora fortè amplecterentur. Eadem docent Passeri-

nus, Martinez de Prado, Lezaya, Cassianus à S. Elia, Rotarius, Bonacina, & communiter omnes. Consule *Disciplinam Apost. Monast. diff. 15. Cap. 13. & Defens. Decret. Concilij Trid. Diff. 2.*

XXXVII. Religio schola Evangelicæ perfectionis est. in qua facilius ad optatum bravium pervenitur. Religiosi veluti rheda, & curru ducti ambulant ad pallium assequendum. Christiani in sæculo pedites iter agunt, undiq; scopulis & laqueis circumsepti. Si currus sit optimè ordinatus bene clausus & fortis felicissimè ambulant viri Religiosi. Contra si currus sit perturbatus, læsus semisfractus, tunc infeliciores sunt illi qui tali curru incedunt & in graviore periculo versantur, frangendi crura, brachia capita, quam Christiani qui pedites ambulant.

XXXVIII. QUÆST: V. *Utrum habere redditus redundantes in communi pugnet cum voto paupertatis:* RESP: S. Thomas 2. 2. quæst. 88. art. 7. respondet. *quod habere superabundantes divitias in com-*

*muni, siue in rebus mobilibus, siue immobili-
bus, est impedimentum perfectionis, licet non
totaliter excludat eam; habere autem de re-
bus exterioribus in communi siue mobilibus
siue immobilibus, quantum sufficit ad simpli-
cem victum, perfectionem Religionis non im-
pedit, si consideretur paupertas, per compara-
tionem ad communem finem Religionum, qui
est vacare divinis obsequijs.*

XXXIX. Extrema diligentia, sum-
ma cavenda in hac materia sunt. Victum
& vestitum præbere Superiores, ad nor-
mam propriæ Regulæ debent: caritas in
hac provisione elucere debet. Victus non
debet delicatus esse, sed diligenter & o-
portune paratus, ut decet regularem so-
brietatem. Vestitus quoq; promptè tra-
datur. Infirmorum cura magna habenda
est. Aliud extremum divitiarum etiam in
communi possidendarum vitandum est.
Non ob paupertatem, sed ob divitias Re-
ligiones omnes naufragium passæ sunt.
Pauperes ne IESU Christi ejusq; Discipu-
li & comites dicendi essent, qui superba
ædi-

ædificia, splendida palatia, qui ingentes
reditus possiderent? Si talia peragerent,
proculdubio Religionis relaxationem, &
& perversionem inducerent. Religio e-
nim Christi IESU & redundantes, divitiæ
contradictoriè opponuntur.

CAPUT IX.

De voto Castitatis & Obedientia.

1. *QUÆST. I Quid sit votum Castitatis
Religiosæ? RESP. Est abstinentia per-
petua ab omni actu venereo, tam interno quam
externo. Sacerdotes peccantes contra hoc
votum augent malitiam ob duplicem titu-
lum seu vinculum, quo Sacerdotes ob-
stringuntur, castitati servandæ. Hujus vo-
ti observantia à modestia oculorum à so-
litudine, à carnis mortificatione, ab otij
declinatione plurimum pender. Quare
quælibet Religio & jejunia, & victus tem-
perantiam & alias virtutes plus & minus
præscribit in castitatis præsidium. Renun-
ciant divitijs ut animum ab affectu pecu-
niarum immunem conservent. Separantur*

D3

à sæ-

à sæculo ut ablata omni occasione facilis castitatem custodiant quam observare & ipsi Christiani in medio laqueorum mundi, & inter ipsa fæminarum præstigia, aut virginalem, aut matrimonialem altrunguntur. Aspectus venerus & sola deliberata delectatio, luxuriosa æquè Christianum ac Religiosum virum in infernum detrudunt, sola circumstantiæ sacrilegæ diversitate.

II. Virtus hæc veluti limpidissima chrystallus in putrido & luculento corpore defertur. Facillimè bitumen succenditur, & luxuriæ ignis ardet, & sulphureæ exhalationes castitatis candorem offuscant, nisi assidua vigilantia custodiatur. Concupiscentia dira fera est, quæ semper rugit, & revolutiones machinatur. Si initio heroico spiritu cohibeatur, & continua custodia frenetur, ejusmodi victoria facilis nunquam tamen eidem fidendum, quia versute, & ex insidiis suam orditur rebellionem. Concionatores, & Confessarii præsertim vigiles sint oportet. Hi quippe

ratione ministerii frequenter feminas alloquuntur, A colloquiis spiritualibus initium ducitur; at nisi cautela summa adhibeatur, omnia in carnem desinunt. Confessarii habent suas filias spirituales, quibuscum familiares sermones texunt, Halitus ille Virginalis, simulque femineus, calida illa suspiria, & familiaritas paternitatis spiritualis cum filia spirituali fugienda sunt tanquam sibi basiliſci. Tractandæ feminæ sunt, non secus ac personæ lue inquinatæ spirituale alimentum porrigatur, & continuo separatio succedat, alioquin pestu luxuriæ sua veneficia immittit. Verum quia innumerj libri sunt qui fufius hoc argumentum tractant; idcirco ab ulteriori abstineo sermone.

III. QUÆST: II. *Quid ratione voti obedientia prestare Regularis Obstringitur.*
R. Votum obedientiæ est oblatio propriæ voluntatis DEO facta, dum Regularis promittit obedire suis Superioribus in iis omnibus quæ hi juxta propriam regulam jubebunt. Quare Regularis obedire tenet.

tur sub gravi culpa Superiorum præceptis. Quando Superior non præcipit, sed solum optat hortatur, etiamsi subditus non pareat, non propterea violat obedientiæ votum quia nullum transgreditur præceptum. Præcepta autem Superiorum de re gravi esse debent.

IV. Quatuor communiter conditiones pro exacta obedientia Sancti Doctores requirunt. 1. ut sit prompta executio ejus quod præcipitur: 2. ut interior voluntas accedat executioni externæ: 3. ut subditus proprium judicium in re dubia aut controversa submittat judicio Superioris. 4. cognita Superioris voluntate non est expectandum præceptum, sed implendum est quod Superior cupit. Hæ tamen conditiones ad majorem obedientiæ perfectionem requiruntur. Secus adejusdem virtutis naturam. Ad hanc enim, & ut peccatum, saltem grave evitetur, sat est ut reipsa subditus obediat, & exequatur impositum præceptum. Advertendum tamen, quod Superiores interdum præcepta
su-

suspendunt, ut scandalum evitent, quia prævident subditos minime paratos ad implendum præceptum. Et tum subditi qui hæc obstitendi Superiorum mandatis argumenta perhibent, sunt in malo statu, & peccare mortaliter valent spectata, rei præcipiendæ gravitate. In his enim circumstantiæ spectandæ sunt.

V. Superiores jure præcipere valent ea omnia quæ intra confinia regulæ & Constitutionum continentur vel ad regulæ & Religionis conservationem & decorem indirectè etiam conducunt. Queunt etiam Prælati ea vetare quæ tendunt ad proprias leges violandas, & alia jubere quæ graviter expediunt Regulæ & Constitutionum observationi. Quare præcipere Superior potest necessitate urgente ut subditi inserviant Religiosis & Sacramenta ministrent Christianis peste infectis, præsertim si Religiosi ordinem profiteantur ad proximorum salutem procurandam institutum.

VI. In re dubia parere subditus te-

D5 ne-

netur Superiori præcipienti, quia possessio stat pro Superiore, ut communiter Theologi docent. Probabilistæ non nulli contendunt, subditos habentes pro se opinionem etiam minus probabilem liberos esse ab obedientia præstanda, quamvis opposita sententia probabilior sit pro Superiore. Et ita docere coguntur, admissio systemate probabilistico. Hinc verò luculentius apparet, quam sit auctoritati Superiorum, & optimo regimini seditiosus, atque perniciosus probabilismus.

VII. Superiores nihil supra aut contra Regulam præcipere valent subditis tamen non est legitimus iudex, num id quod Prælatus jubet, sit contra, vel supra Regulam, nisi res evidens sit. Capitula Generalia præscribere, & condere statuta valent nova, quæ Ordinis & decorem augeant, & observantiam Regularem validius firment. Ad præfecturas quoque acceptandas & obeundas prælati urgere subditos suis præceptis jure queunt secus ad acceptandas dignitates, vel Episcopatum extra Ordinem.

VIII.

VIII. Graviter Regulares peccant, vel dum præceptum Superioris implere recusant, vel dum ejusdem vocem contemnunt, vel dum reformanti, abusus, & corruptelas, invec̃tas contra Regulam & Constitutiones resistunt. Peccant venialiter si ea executioni demandare negligant quæ sciunt à Superiore præscibi, quamvis non sub præcepto, ut dum inculcant observantiam Regulæ & Constitutionum. Et licet Constitutiones natura sua ad culpam non obligent, re ipsa tamen numquam deliberate violantur sine aliqua veniali culpa, qui vero ex habitu & consuetudine eas indiscriminatum transgrediuntur, ad tacitum contemptum se se disponunt, & contra præceptum aspirandi ad perfectionem peccant.

IX. Superiores qui Regulæ & Constitutionum transgressiones dissimulant, qui easdem pro viribus corrigere & impedire negligunt, aut ex torpore & negligentia, aut ex quadam conniventia, peccant mortaliter, ut Diana Salmanticen.

ses La-Croix, & alii communiter docent. Superiores enim vi muneris sui destinati sunt ad legum custodiam, & universæ disciplinæ observantiam promovendam. Illorum negligentia in impediendis transgressionibus gravissimum detrimentum infert Religioni, Hinc enim gravissima proficiscuntur absurda, & hinc omnes Sacrorum Ordinum relaxationes manarunt. His quippe transgressionibus succedunt violationes votorum, scandala, castitatis jactura, & proprietatis pestes.

CAPUT X.

De Tyrocinio, seu Novitiatu Regularium.

1. **A**Ntequam Religionem juvenes sole-
mni ritu profiteantur, debent per annum integrum habitum Religionis, & palam gestare. Libera autem, & non co-acta sit hæc Religiosæ vestis susceptio necessarium est. Qui puellas cogunt ad hanc susceptionem, mortaliter peccant, & excommunicationem incurrunt, ut Tridentinum *Sess. 25. c. 18.* statuit. Qui autem

juvenes mares cogunt minis, peccant mortaliter, sed excommunicationem non incurrunt. Juvenes qui coacti tyrocini-um peregrissent, si libere professionem e-mitterent, validus fuisset Novitiatus. An-nus hujus Novitiatus integer esse debet, ut Tridentinum *Sess. 25. c. 15.* præscribit, continuus & non interruptus. Qui per diem habitum dimitteret, & à clauſtro e-xiret animo non redeundi, licet post di-em rediret, Novitiatus interruptus dice-retur; secus si per aliquot horas dimitte-ret, absque exitu è cœnobio.

II. Inepti jure naturæ ad Novitia-tum ut sunt decrepiti, insani, habitua-liter infirmi gravi morbo, servi vere tales repugnante domino Conjuges post con-summatum matrimonium sine mutuo con-sensu professi in altero ordine sine licentia Superiorum. Jure positivo recipi neque-unt Episcopi Archiepiscopi, qui sine ex-pressa summi Pontificis facultate profiteri Religionem regularem nequeunt Ceteri autem Ecclesiastici liberi omnino sunt e-

tiam curæ animarum addicti ad profitem-
dam vitam Regularem.

III. Pontifices summi plures edide-
runt Constitutiones, quibus determinant
conditiones recipiendorum ad ordines re-
gulares Sixtus V. sua Constitutione *Cum
de omnibus* prohibuit ne viri prætergressi
annum sextum decimum reciperentur, nisi
præmissa severa perquisitione de patria
de acta vita de parentum qualitate. Quod
si repertum fuerit illos latrocinia, aut alia
similia scelera patrâsse vel suspectos de i-
isdem esse, aut condemnatos vel pruden-
ter timeatur condemnandos fore; si ære
alieno, gravatos supra vires, vel ratiocini-
is reddendis adstrictos unde lites & mo-
lestiæ, prævideantur; prohibet ne recipi-
antur, & professionem ab istis emissam
nullam declarat Prælatos verò qui scien-
ter ejusmodi receperint, privat voce acti-
va & passiva, gradibus & præfecturis in-
habilesque constituit ad futuras dignita-
tes, & gradus. Hanc Constitutionem al-
tera Constitutione cujus initium est, *Ad*

Romanum Pontificem temperavit non quantum ad poenas, sed quantum ad crimina. Gregorius XIV. alia Constitutione dictâ *Circum spectata* partim sustulit, partim auxit Sixtinæ Constitutionis moderationes. Et tandem Clemens VIII. Professionem reduxit ad terminos Juris communis: ita ut nisi aliquod Juris communis impedimentum obstat Professio valida, sit. Poenas vero intransgressores in suo reliquit vigore. Nunc tamen vi Constitutionis ejusdem Clementis VIII. Regulares recipere juvenes possunt etiam prætergressos annum decimum nonum exacto tamen juramento, quod neque criminosi, neque ratiocinijs reddendis obnoxii, neque rei furti, aut homicidii vel aliis impedimentis in Sixtina Constitutione recensitis ligati sint. Prælati qui ejusmodi scrutinium negligunt graviter delinquant & subiecti sunt Sixtinæ Bullæ poenis. Valida tamen Professio erit dummodo nihil contra jus commune repugnet.

IV. Novitii omnium privilegiorum

Re-

Regularium participes sunt, cum sint sub potestate Religionis, & ejusdem onera sustineant. Quare sunt à jurisdictione Episcopi immunes, & privilegio fori gaudent. Possunt Superiores Religionis cum iisdem dispensare super præceptis Ecclesiæ, & eorum votis, quæ tamen implere, si habitum Religionis dimittunt, debent.

Contra si absolvantur à censuris, irregularitate, vel reservatione si exeant à Religione, quam bona fide amplexi fuerant, absoluti manent.

V. Si in anno Tyrocinii novitius decedat heres ab intestato ejusdē bonis succedit Donationes liberæ inter vivos, contractus, lucrosi, renuntiationes bonorum temporalium, officiorum, dignitatum, nisi fiant cum licentia Episcopi aut ejus vicarii duobus mensibus ante professionem irritæ sunt & nullæ, ut determinavit Tridentinum Bona quæ sibi obventura sperat Novitius, renunciare potest Religioni quam Professurus est, etiam vivente Patre secus alteri determinatæ Per-

sonæ. Bonis quæ jure sanguinis obveni-
unt Novitio, nisi ipse disponat juxta præ-
scriptum Tridentini ante Professionem,
uccedit ordo quem Professus est, si ca-
pax sit bonorum immobilium.

CAPUT XI.

De Professione Regularium.

I. **P**ROFESSIO Monastica, ut alias indicavi,
contractus est quo homo semetipsum
DEO offert in aliqua approbata Religio-
ne solemniter tria vota paupertatis, ca-
stitatis, & obedientiæ emittendo coram
Prælato consentiente, quique DEI nomi-
ne hæc vota acceptat. Duplex est: *Expres-*
sa, quæ verbis fit coram Superiore, & *ta-*
cita, quæ signis & actionibus à jure statu-
tis peragitur; ut si novitius expleto anno
sexto decimo & integro anno sui tyroci-
nii, exerceat actiones Professorum, eo-
rumque habitum deferat, professionem ta-
cita emittit, si tamen Prælatus consen-
tiat, & ipse Novitius libere, non coactus
seu nullo timore extrinsecus graviter in-
cus.

cusso adductus id agat, advertatque ejusmodi actionibus se tacitam Professionem incurrere, & habeat animum profitendi verum quamquam tacita hæc professio nuncupetur, reipsa expressa suo modo est.

II. Ut Professio Regularium legitima sit, requiritur legitima potestas, quæ residet, vel in Romano Pontifice, vel in Superiore Religionis, juxta Regulas peculiare cujuscumq; Ordinis. In hoc aut illo Ordine non sufficit solus Superior, sed necessarius est consensus majoris partis Patrum à consiliis vel Capituli. Si major pars istorum Patrum reluctetur, nec Superior illius Conventus, in quo est Novitiatus, nec Superiores majores possunt admittere Novitium ad professionem reluctantem verò Superiore immediato & accedente consensu majoris partis Patrum à Consiliis valent Superiores majores ut Provincialis vel Generalis admittere Novitium ad Professionem. Cæterum quilibet ordo suas consulere leges debet.

III. Plura sunt impedimenta quæ
nul.

nullam reddere professionem queunt. 1. *Ætas* ante annum decimum sextum completum. 2. Si annus *Novitiatus* non sit integer, vel ut inter ruptus. 3. *Defectus libertatis*, ut si servus repugnante domino profiteatur. 4. *Matrimonium consummatum* altero conjuge repugnante. 5. *Episcopatus* non accedente Pontificis licentia. 6. *Nimia senectus*, aut morbus gravis, non curabilis, impediens *Regulæ observantiam*. 7. *diversitas sexus*, ut si vir in *Monasterio* mulierem aut contra profiteatur. 8. *Metus gravis* injuste incussus. 9. *Error circa essentiam status Religiosi*. 10. Si desit animus se obligandi vel si ficto animo acceptetur à Superiore nulla est in foro conscientiæ. 11. Tandem si contingat aliquis defectus qui vi *Constitutionum* talis *Ordinis* professionem irritet.

IV. Ut professio nulla ex parte utriusq; & Superioris acceptantis & Professi redintegretur, requiritur utriusque partis reciprocus consensus. Si vero nul-

la sit ex defectu consensus solius professi, tunc sat est ut ipse solus renovet consensum, ratamque habeat professionem emissam. Aliqua vero professio nulla esse potest ex impedimento quod non admittat remedium, quo sanari possit.

V. 1. Effectus professionis regularis est remissio omnium peccatorum etiam quantum ad poenam ut 22. q. 189. a. 3. ad 3. docet. D. Thomas cui subscribunt cæteri Theologi 2. Est ablatio irregularitatis ex defectu natalium pro sacris Ordinibus suscipiendis, secus pro præfectura exercenda. 3. aufert ingratitudinem filii adversus patrē qui exhæreditare amplius filium nequit. 4. Dirimit matrimonium ratum & non consummatum. 5. Commutat vota in sæculo facta in professione: quæ commutatio per ipsam professionem fit Quare etiamsi Professus frequenter negligeret observantiam jejuniorum, aliarumque austeritatum Ordinis, nihilominus commutatio facta consisteret. 6. Est provisio victus & vestitus quam reli-

ligio ministrare tenetur professis tum sanis, tum infirmis, eosq; educare in studiis juxta propriam vocationem attingitur.

VI. Tridentinum *Ses. 25 cap. 19.* facultatem Regularibus impertit reclamandi contra Professionem emissam tribus adjectis conditionibus 1. reclamatio & causa rescindendæ professionis ante elapsam à die emissæ professionis quinquennium instituatur: 2. Ne reclamans habitum Religionis deponat pendente causa reclamationis. 3. ut causa rescindendæ professionis instituatur coram proprio Superiore, & ordinario, qui sententiam ferre debet.

VII. Ut quis reclamare licite queat contra propriam professionem fundamenta habere certa debet, & evidentia. Qui enim dubius est, reclamare licite nequit, quia in dubio præsumptio stat pro professione Plura dicenda de hac reclamatione essent. Verum cum hæc omnia ad forum externum pertineant, & fuse tractentur à non paucis Canonistis, idcirco illa prætereo.

VIII.

VIII. Illud dumtaxat hinc colligant velim magistri novitiorum, quanta diligentia & vigilantia candidatorum vocationem expendere graviter astringantur. Causa princeps relaxatæ disciplinæ regularis est defectus vocationis divinæ ad illum sublimem statum profitendum Siquidem plurimi non DEO vocante ut advertit Cardinalis Bellarminus *lib. 2. de gem. col.* sed alijs rationibus quas explicare non vacat, adducti huic sacrae militiæ nomina dant vae novitiorum præfectis, si oculos claudunt super hoc gravissimo negotio, ne propria claustra vacua remaneant & non vocatos ad professionem admittant. Deficiente hoc primo Cœlestis vocationis fundamento, quid mirum, quin universum ædificium corruat. Castitas donum speciale Spiritus Sancti est ut intaminata servetur, gratia, non ab humana infirmitate vires expectans sed ut à DEO manans, victrix atque triumphans requiritur vocatione divina sublata deest gratia illa singularissima. & hac gratia destituti casti-
ta.

tatem sacrilege polluant, deturpant, corrumpunt. En expositam omnium malorum radicem. Cautissimi ergo sint Novitiorum Magistri in expendenda eorundem vocatione.

IX. Non me latet quod opponere isti solent, nempe mundum in maligno positum esse, & Christianorum mores laxatos atque indies corruptiores fieri. Ex hac silva transferendas in regularium Viridaria plantas esse, quæ in grandine, antequam olivæ inferantur, percussæ sint, vix fieri potest ut fructus pariant, vita æterna dignos. Verum habet. Quam obrem secernendæ sunt plantæ tunc ab infectis. At sane reponis, paucae sunt & multiplicata claustra impleri debent. Nimis longus essem, si pro dignitate hanc discutere objectionem vellem. Vide disciplinam Apostolica: Monasticam P. 2. dis. 1. c. 15. ubi fuse hanc difficultatem discussam invenies. Regularium propagatio, & perennis successio non carnalis sed spiritualis est à DEO descendens. Tu solos

vocatos ad professionem excipe, & curam DEO relinque ut operarios mittat. Si secus feceris, & te & alios periculo æterno pereundi expones.

CAPUT XII.

De Litterarum studio, in quod incumbere Regulares astringuntur: & quæ Methodus in scientiis addiscendis servanda.

I. **C**HRISTIANI omnes plus & minus, pro-ut eorum conditio fert, Scripturis Sanctis dare operam debent. In hoc autem studium Regulares, & omnes viri rebus sacris addicti incumbere gravissime astringuntur Joannes Trithemius incliti Sanctissimi Patriarchæ Benedicti Ordinis præclarorum virorum, non modo antiqua, sed etiam ætate nostra. DEO auspice fecundissimi Abbas *homil. 4. de studio sacrarum scripturarum*, hoc pacto Monachos suos alloquitur. Videmus inter vos quosdam scripturarum ignaros instabiles mente. discolos, & vagos. quibus eo magis impuramus ignorantiam, quo minus inclinantur ad di-

disciplinam. Turpe quidem est nescire quod scire juberis, turpius non discere, turpissimum verò contemnere. Et sunt inter vos qui scientiam salutarem nesciunt, sunt etiam qui discere negligunt quid si addam esse & ad alios qui scientiam Divinarum scripturarum panitus contemnunt.

Et paulo ante hæc habet. O stulti & perditissimi Latrones, qui scientiam salutarem contemnitis, & ignorantiam Divinarum scripturarum potius quam intelligentiam amatis? Numquid affectati ignorantia pavtoribus vos plagis reddet obnoxios? Aut propterea delinquentes, eritis ceram DEO innoxii quia mandatorum DEI voluntarie estis ignari? Duplici pena cruciandi eritis: altera, quod scire viam mandatorum DEI contemnitis; altera quod sermones DEI non custodistis - - De vobis etiam, o stultissimi tenebriores. illud intelligitur S Hieronymi, quoniam ibi non est ignorantia jam excusabilis, ubi scitur quid sit illud quod ignoratur magis autem cavendum vobis ne cum illis tandem computemini qui

E

di.

dixerunt DEO: Recede à nobis viam scientiarum tuarum nolumus.

II. Neque illi solummodo culpandi sunt qui crassa, & supina ignorantia eorum quæ proprium statum spectant, infeliciter laborant qui in sapore quodam funestissimo quam libentissime obdormiunt qui nec brachium, nec pedem movere volunt ut necessariam consequantur scientiam; verum illi insuper qui tempus terunt in addiscendis artibus, scientiis disciplinis, quæ à scientia Sanctorum abducunt, quam potissimum comparare debent Claustrales Rescribere placet verba Ludovici Granatensis *par. 2. de voto c. 4.*
 „ § 7. Quam multi hodie, studiosi sunt
 „ in mundo, & inter hos quam pauci qui
 „ discipuli sint IESU Christi. Et quod
 „ acerbissimum est illi ipsi qui, recente
 „ mundo relicto, amplectuntur Religio
 „ nem vel eo tempore quo debent expo
 „ liare veterem hominem, & huic se di
 „ sciplina impendere, cum vix DEUM

„ gustare cæperunt, atque ad eum cogno-
„ scendum ægre aperuere oculos collo-
„ cantur, inter gentiles Philosophos, &
„ in scientiis mundanis exercentur, ubi in
„ longum tempus nec verbum de IESU
„ Christo auditur. Quod studium etsi pro-
„ pter mutationem temporum & hæreti-
„ corum perversitatem aliquo modo ne-
„ cessarium sit tamen tamquam magnam
„ plagam sæculi nostri & vitæ debemus
„ accipere utpote quod nobis tantum
„ temporis eripiat, & separet, atque exu-
„ les faciat tot annos, à salvatoris nostri
„ consortio. Præsertim si attendamus
„ quod dicit Gregorius Nazianzenus, o-
„ mnes illas Gentilium scientias & disci-
„ plinas tamquam plagas Ægypti ob pec-
„ cata nostra in Ecclesiam intrasse: Sed
„ cum misera temporum conditio nos ad
„ hanc necessitatem adegerit, congruum
„ illi tempus dandum, & assignandum fo-
„ ret, atque ita providendum ut ædifici-
„ um & fundamentum virtutis sic consti-

„ tutum esset, in animis eorum qui inci-
 „ piunt, ut sustinendo isti oneri suffice-
 „ rent. Sed quamdiu opus tenerum est &
 „ infans Christianus adhuc gustat lac IE-
 „ SU Christi, stultitia est ipsum illum ab-
 „ luctare, & gustum illi dare librorum
 „ gentilium *ubi non videt nisi argumenta,*
 „ *subtilia, & plena fallaciis sophismata.*
 „ Quid verò si bene expendamus, hoc est
 „ aliud quam imitari crudelitatem Phara-
 „ onis ruinam populi DEI Machinantis,
 „ cum imperaret, ut quam primum Hæ-
 „ bræus masculus nasceretur, suffocaretur
 „ flumine & aquis Ægypti? *omnia* (inquit
 „ sapiens) *tempus habent - - - tempus am-*
 „ *plexandi & tempus longe fieri ab amplexi-*
 „ *bus.* Tempus illud amplexando DEO
 „ debebatur, comparandoque amoris tam
 „ forti, ut nullis aquis mundi suffocari
 „ posset, & extingvi: quo facto paulu-
 „ lum licebit ab ipsius amplexibus rece-
 „ dere ut necessitatibus proximi intenda-
 „ tur. Quid alias volebat DEUS noster in
 „ le-

„lege, cum prohiberet ne sponsi, coge-
„rentur arma sumere & ad bellum pro-
„cedere? Quid significabat, cum vetaret
„operari in primogenito bovis, & non
„tondere primogenita ovium, nisi genus
„istud primo genitorum, de quo hic lo-
„quimur liberum esse à vinculis & one-
„ribus istis, ut totum se sibi & profectui
„suo impendat. Contra has leges omnes
„faciunt qui tempus istud suffurantur,
„studio veræ sapientiæ, & veræ scientiæ,
„ut totos se humanis scientiis addicant,
„si Hactenus sapientissimus Ludovicus
Granatenfis, cui nihil præter antiquita-
tem deest, unde Pater Ecclesiæ nomine-
tur.

III. Si temporum ratio coegit majores nostros quando Arabum Philosophia vige-
bat, doctrinæ Aristotelicæ operam da-
re, ut ethnicos & supersticiosos viros
propriis illorum armis confoderent, op-
posita temporum vicissitudo urgere nos
debet ut in ea incumbamus studia quæ

revincendis convertendisque hæreticis & malis Catholicis opportuna sunt Nullum in præsens apud sive ethnicos, sive Turcas, qui nos circumstant Philosophiæ studium: supina illi laborant ignorantia, parvoquæ opus est quo illa revincantur. Hæretici nunc sunt qui dogmata Catholica oppugnant, & Catholici non nulli scriptores, qui evangelicæ moralis regulas pia intentione & fabro opinandi modo præventi, vel nolentes humanis appetitionibus nimis accomodant. In illud ergo ut majores nostros imitemur, studium incumbendum, quod convellendis istorum erroribus opportunum est Credendis, & agendis constat. Theologia Christiana, & hæc duo consistere separata diu nequeunt.

IV. Methodus itaque, quam novitiis expleto Tyrocinii anno tenendam suggero (abiit enim ut tribunal erigere velim, illam ut Censor proponendo) hæc est. Paucis mensibus justî ratiociniij, re-

gulas addiscant ex Dialectica decerptas, missis tricis & cavillationibus Sophisticis quæ mentem corrumpunt, aut saltem pessimè disponunt. Regulæ istæ viam doceant inquirendæ veritatis, cum sola & unica veritas sit via, quæ ad Cœlum ducit. Elapsis quatuor aut quinque mensibus, in hoc studio triennium illud quod insumere in Philosophiæ studio solent, impendant in lectione Scripturæ Sanctæ, & historiæ Ecclesiasticæ. Optandum summopere esset, ut aliquis cursum historiæ Ecclesiasticæ scholæ usui accommodatum, & in oportunos tractatus vel dissertationes digestum ederet. Præmittenda esset brevis Synopsis historiæ veteris testamenti, paucis sed oportunis disputationibus illustrata, Post perstringendum esse specimen historiæ Christianæ, ut scirent juvenes, qui fuerint heroes nostri, quæ illorum acta & gesta. Aliquæ dissertationes brevissimæ, in quodlibet sæculum adjici possent; Opus istud simile esse deberet cur-

sui Philosophico, cui substituendum in-
nuo, & triennio sicut ille, explendum.
His præsidjs instructi juvenes, ad sacram
Christianam Theologiam credendis & a-
gendis constantem addiscendam accedant.
Tum veri Theologi è Scholis discede-
rent, hæc in transcurso judicavi sapien-
tum judicio subijciens.

V. Plurima alia de statu Religioso
dicenda forent; sed compendij confinia
transilirem, si ultra pergerem. Hæc itaq;
dicta sufficiant, & in majorem DEI glo-
riam cedant, Lectorumq; profectum.

AMEN.

Finis.



n in-
dum.
cram
& a-
dant.
cede-
pien-

iofo
finia
iraq;
glo-
m.

293

Handwritten text, possibly a signature or date, in dark ink.

Biblioteka Jagiellońska



stdr0026452

5385

[Faint handwritten text, likely bleed-through from the reverse side of the page.]

